


社320  
83



八旗通志初集卷之二百一



勲臣傳

周禮稱王功曰勲。戰功曰多。然考之載籍。王功必曰大勲。其以多稱戰功。惟見魏武帝薦荀彧表而已。國語稱克潞之役。魏顆郤秦軍。止杜回。其勲銘於景鐘。是戰功亦曰勲也。尚書載大禹誓師之辭曰。肆予以爾衆士奉辭伐罪。爾尙一乃心力。其克有勲。是戰功曰勲。下及於軍士也。

三朝國史奏定功臣凡例。官未至大臣。以功得世職者。立勳惟阿思哈尼哈番以上。乃得請。勳臣傳一

八旗通志 卷一百一  
旨立傳。顧阿達哈哈番以下世職。並出戰功。功有大小。而効力疆場。敵王所愾。其為勲勞則一。志書之體。視

國史稍寬。未可廢也。用稽八旗世職勅書。凡官未至大臣。以戰功得授阿達哈哈番以下世職者。並依

勅書開載勲勞。別立為勲臣傳。其有功績散見於

實錄史書者。亦附入焉。

勲臣傳一

鑲黃旗滿洲世職官上

查齊巴扎爾固齊 孫色楚

雅爾布 父拜桑 兄奇樸他里

翁阿岱 子傅達禮 子阿爾遜

蘇爾東阿 孫格梅

黨愷 子滿柱

聶克色 子胡木布 色核

聶牛克 父僧格 子吳庫 色紐克 子多博

辛泰 子拖紐

顧納禪巴圖魯 子伊蘇 弟羅多禮

囊古齊 拜護賴

桑賽 子班朱爾 法特哈

喇古 蒙格 巴爾度禪巴圖魯

扈壽巴圖魯 阿密席理 武納哈

喀喀齊 弟鄂黑 塔納爾岱 孟俄岱 星額禮

薩璧圖 秦達祐 鄂內 慕成格

阿爾泰 兄子艾木布 球蘭

莽嗇 俄木索科 兄愛通阿

篤達理 子敦拜 鍾泰 安崇阿巴圖魯

阿哈泰 子保山 覺羅穆祿

鍾內 父魏赫納 賈哈喇 子桑格

卦搭 綽鼐

沙哈納 奇喇爾圖



命往征虎爾哈。雅爾布來降。旋奉遣往取博機理。未克。

攜其弟來歸。再往。遂攜博機理來降。又往收其

衆。將村中人口七百餘。盡率以來。天聰八年敘

功。授牛彖章京世職。

滾布。滿洲鑲黃旗人。姓博爾濟吉特氏。父拜桑

兄奇樸他里。蒙古烏魯特貝勒也。

國初率部屬來歸。授奇樸他里以牛彖章京世職。

既卒。以滾布襲兄職。天聰元年。滾布從征寧遠。

擊敵步兵營。有戰功。又隨征札魯特。獲巴克貝

勒牧畜一百。俘阿穆龜。併滾出斯台吉之母而

歸。以功陞三等甲喇章京。卒。以子保住承襲世

職。遇

恩詔加至二等阿達哈哈番。累仕至副都統。

翁阿岱。滿洲鑲黃旗人。姓博察氏。世居納音地

方。初任分得撥什庫。隨征遼東。敵兵有以杖擊

巴圖魯額駙者。馳往斬之。至寧遠。擊敗明兵。我

杜沙佐領下。阿爾泰陷於敵陣。翁阿岱救出之。

奈曼蒙古。有六人奪我兵之弓。翁阿岱追斬之。

天聰三年。從大兵征明至灤州。刈草遇敵。率本

甲喇兵敗之。獲馬四十匹。五年。從大兵征明大

凌河。有一蒙古乘馬入松山。追斬之。又於中後所畧地。攻破一臺。崇德六年。從征明圍錦州。同吳大海進戰。多有擒獲。松山敵兵犯我右翼汛地。翁阿岱率本甲喇兵擊却之。敘功。授牛彖章京世職。尋卒。子傳達理承襲。遇兩次。

恩詔。加至三等阿達哈哈番。順治十一年。傳達理隨征廣東。於新會縣擊偽安西王李定國有功。議敘。加世職爲二等阿達哈哈番。

和托諾。滿洲鑲黃旗人。姓吳爾古禪氏。世居木倫地方。於

國初率兄弟來歸。授半個牛彖。旋奉遣取阿胡禮尼滿地方。大有俘獲。將阿胡禮尼滿人戶編爲牛彖。令和托諾管之。天聰八年。從征明至大同。攻沙城克之。敘功。授牛彖章京世職。尋卒。長子哈爾遜承襲。次子阿爾遜。順治十年。以壯尼大隨定遠大將軍貝勒屯齊征湖廣。至常德府。僞安南王劉文秀遣僞左將軍盧名臣。僞興國侯馮雙理等。來侵岳州武昌等處。阿爾遜隨燾章京蘇克薩哈等擊敗之。又敗僞王都督兵。十六年。隨安南將軍明安達理。由荊州赴援江寧。至

舊縣地方。破海寇偽都督楊文英等。獲船三隻。康熙三年。隨定西將軍圖海等。征湖廣茅麓山。於長樂嶺擊敗賊兵三千。又敗賊首李來亨之子於茅麓山下。又敗之於上王坪地方。來亨自率兵五千。分八路來犯。復以步戰隨將軍等進擊敗之。凱旋論功。授拖沙喇哈番。累陞至寧古塔協領。阿爾遜子阿爾法。仕至都察院左副都御史。

蘇爾東阿。滿洲鑲黃旗人。姓傅察氏。世居訥音地方。訥音七村人叛往葉赫。蘇爾東阿與戰。面被箭傷。叛兵回據佛多和城。

太祖高皇帝癸巳年。蘇爾東阿來請兵。往圍其城。三閱月。殲其眾。

太祖嘉之。賞給四十戶。並賜盔甲鞍馬。又因與訥音七村人合戰時。救出查齊巴塔思哈等有功。給十丁口糧。並給免罪。

敕書。戊申年。從大兵征烏喇。殺其巴圖魯四十人。得賞銀四十兩。癸丑年。從征葉赫。殺敵四十人。賞人一口。布三十。又攻扎庫達地方。身被九傷。賞人三口。又從攻撫順。首先衝陣。追毛郎之兵五百。



餘於溫泉地方。盡殲之。敘功授爲三等甲喇章京世職。

衛寨桑。滿洲鑲黃旗人。姓衛氏。世居察哈爾地

太宗文皇帝任爲多爾濟昂邦。往說降喀爾喀碩羅王。

又說降張家口。論功授爲三等甲喇章京世職。

其孫格梅。康熙十九年。以三等侍衛從征雲南

逆孽吳世璠。破石門坎。奪黃草壩。平定逆孽。並

在事有功。優授拜他喇布勒哈番世職。

黨愷。鑲黃旗包衣人。姓納喇氏。初任三等轄。天

聰三年。始從大兵征明。至北京。擊明經畧袁崇

煥兵。我軍有克特者墜馬。黨愷殺一漢人。奪其

馬。與克特騎以出。崇德六年。從征明錦州。因兩

手被傷。賞銀四十兩。進攻松山。甫登城。頰上中

鎗傷。脚膝又被棍傷。遂墜城。又賞銀四十兩。六

年。至阿爾沙蘭地方。擊敵。首先衝入敵陣。殺二

人。又往歸化城貿易。遇四子部落內畢力克。逃

往喀爾喀。追二日始及。斬之。全獲其妻子牲畜

而還。積軍功。授半個前程。

馬爾護納。滿洲鑲黃旗人。姓納穆都魯氏。世居

八旗通志卷二百一  
渾春地方。天聰五年。從征大凌河。擊明監軍道張春前營。執擺牙喇。燾衝入。破之。後營八固山兵。爲敵兵所阻。不能前進。馬爾護納仍執大燾。越衆衝入。大兵隨進。遂敗敵兵。八年敘功。授牛录章京世職。卒。子滿柱承襲。順治六年。滿柱隨征大同。叛鎮姜瓖有功。加一拖沙喇哈番。聶克色滿洲鑲黃旗人。姓納喇氏。世居哈達地方。天聰八年。以辦事有能。不違指使。授三等甲喇章京世職。順治七年。九年。三遇

恩詔。加至一等阿達哈哈番兼一拖沙喇哈番。卒。子胡

木布承襲。順治十八年。胡木布隨定西將軍愛星阿。往征緬甸國。獲僞桂王朱由榔。在事有功。康熙九年。以胡木布才能。特任太僕寺少卿。尋以疾致仕。

色核滿洲鑲黃旗人。姓大佳氏。世居杭間地方。初任包衣牛录章京。天聰八年。從征大同。遇敵哨騎五十餘人。擊斬三人。出邊時。隨圖爾格等以步戰。敗敵兵。崇德六年。大兵圍錦州。色核隨伊爾登。擊敗明經畧洪承疇兵。克其關廂。順治元年。從睿王多爾袞入山海關。擊流賊。率包衣

牛彖兵步戰。追至慶都。二年敘功。授牛彖章京世職。七年九年連遇

恩詔。加至三等阿達哈哈番。

聶牛克滿洲鑲黃旗人。世居寧古塔地方。以地爲姓。其父僧格於

國初率三百戶來歸。授遊擊世職。聶牛克初任擺牙喇甲喇章京。隨大兵征明寧遠。縱火攻城。同燾章京阿爾津大敗敵衆。進取蘇班代。明杏山兵來援。又同承政宗室韓岱敗之。天聰九年。隨貝勒多鐸圍錦州。有功。崇德二年。從貝勒岳託

征明。進邊時。敗明馬總兵。順治元年十月。從豫親王多鐸南征。平定河南。進攻潼關。同阿爾津率噶布什賢埋伏。邀擊賊衆。敗之。二年至江南。同碩代。蘇爾德。往攻高淳縣。敗城內步兵三千餘。敘功。授半個前程。卒。以子吳庫襲父職。順治十一年。隨寧海大將軍宜爾德征浙江舟山。敗僞英毅伯阮思。僞總制陳六御等有功。十二年。隨定遠大將軍世子濟度。征福建海賊鄭成功。攻廈門。賊船六百餘隻。排列城堡。吳庫率水師奮勇前戰。逼近廈門岸。中傷陣亡。尋議卹。超

贈為三等阿達哈哈番。

色紐克聶牛克之弟也。初以軍功授世職。緣事革職。順治元年。以廢官從征。破流賊於潼關。在行間有功。二年。至湖廣大冶縣。有賊兵來犯我營。率本甲喇兵擊敗之。又有賊將王六率步兵犯金壇縣。色紐克率本甲喇兵以步戰敗之。又敗茅山賊兵。三年敘功。授半個前程。七年九年

三遇

恩詔。加至三等阿達哈哈番。尋卒。子多博初管佐領。康熙十三年。逆藩耿精忠反。犯江西。破建昌。多博

隨定南將軍希爾根進征。九月。至撫州鍾家嶺地方。偽都督易天錫率葉高二偽將軍。馬步四萬餘賊拒敵。多博奮勇進戰。中礮亡。尋議卹。贈一拖沙喇哈番。

辛泰滿洲鑲黃旗人。姓傅察氏。世居訥音地方。天聰八年。從大兵征大同。攻小石城。以第三人登城。授半個前程。九年。隨貝勒阿濟格等征明。攻安肅縣城。繼海思額德以第三人登城。崇德元年敘功。授牛象章京世職。六年卒。以子拖紐襲。拖紐於崇德三年。隨揚威大將軍貝勒岳託

八旗通志 卷二百一  
征明入邊之日。同舒恕敗明馬總兵。至渾河爲橋以渡。明范軍門兵來躡我後。拖紐隨梅勒章京內爾特擊敗之。比出邊。留殿後。明吳總兵帥師來追。復同本固山兵敗之。六年。始襲父牛彖章京世職。順治元年。從睿王多爾袞入山海關。擊流賊。中火礮陣亡。二年。議卹。由牛彖章京加贈半個前程。

顧納禪。滿洲鑲黃旗人。姓伊爾根覺羅氏。世居松阿里烏喇地方。天聰九年。從睿親王多爾袞等征明。至大同攻石城。首先登城。克之。

賜名巴圖魯。授牛彖章京世職。順治元年。同甲喇章京敖德。以步戰擊敗流賊。二年。敘功。加半個前程。是年。隨豫親王多鐸平定河南江南。在行間有功。又從貝勒博洛往征浙江。敗偽陳總兵於嘉興。又同噶布什賢章京敦兌擊敗崑山賊兵。三年。敘功。加爲三等甲喇章京。第二子顧八代。仕至尚書。見儒林傳。第三子伊蘇。康熙十五年。以七品官從征廣東電白縣。擊偽將軍馬雄。董仲民力戰陣亡。贈拖沙喇哈番。又顧納禪之弟羅多禮。康熙十四年。以擺牙喇甲喇章京。從征察

哈爾布爾尼。敘功授拖沙喇哈番。曩古齊滿洲鑲黃旗人。姓洪伊里氏。世居曩伊烏喇之伊藍蜚兒塔哈村。崇德二年七月。從征瓦爾喀。同吳巴海。西忒庫。追哈木兒哈。葉雷獲之。三年。從貝勒杜度。證明至山東。以雲梯攻武定州。繼喀齊喀以第三人登城。克之。八年。論功授半個前程。拜獲賴。滿洲鑲黃旗人。崇德三年。以廢官隨揚威大將軍貝勒岳託。證明。擊明馮太監侯總兵。越準塔巴圖魯軍進戰。旋防守董家口。明步兵

千餘。下山來截我輜重。拜護賴以步戰。敗之。又敗其步兵千餘。明三屯營陳總兵。率馬步三千餘來戰。拜護賴率步兵敗之。又同席喇擺牙喇與敵兵相拒。七晝夜。駐守山上。敵不能破。四年。敘功。授半個前程。

桑賽。滿洲鑲黃旗人。初任牛叅章京。崇德三年。從貝勒岳託。證明。入邊時。擊明馬總兵。敗之。又擊敗明八總兵。出邊時。擊明趙軍門馬步兵。敗之。並在行間。順治元年。從睿王多爾袞。入山海關。擊流賊。隨左翼兵。追至延安府。敗之。是夜穴

八旗通志 卷二百一  
濠攻城。賊兵來拒。擊敗其衆。二年。隨固山額真杜雷勦流賊。至九江府。追及賊船。獲之。三年。敘功。授牛錄章京。世職。七年。九年。三遇

恩詔。加至二等阿達哈哈番。康熙三年。隨定西將軍圖海等。征湖廣。至永南關。敗僞總督一人。僞總兵三人。至潼口。有僞總督一人。率十總兵。馬步兵一萬二千餘。拒戰。亦隨圖海等敗之。十五年。從征貴州。於魯噶地方。擊僞晉王李定國。敗其衆。十八年。敘功。加世職爲一等阿達哈哈番。尋卒。子班朱爾承襲世職。三十五年。班朱爾隨征厄

魯特噶爾丹。由西路進兵。以功加一拖沙喇哈番。

法特哈。滿洲鑲黃旗人。姓傅察氏。世居沙濟地方。初任牛錄章京。崇德二年。從征明。至豐潤縣。同覺羅顧納代轄敗明兵。七年。隨大兵圍錦州。兩翼兵合擊松山馬兵。法特哈率本甲喇兵先進克敵。十一月。隨征寧遠。同梅勒章京阿喇善擊明兵。敗之。順治元年。從大兵入山海關。同葉克舒擊敗流賊。明年。追流賊至江南池州府。斬賊哨。獲船七隻。三年。敘功。授半個前程。七年。九

年三遇

恩詔。加至三等阿達哈哈番。

喇古。滿洲鑲黃旗人。初任擺牙喇甲喇章京。從征阿爾薩蘭。見哈什屯牛彖。下一擺牙喇被傷。喇古斬敵兵。援之以出。崇德五年。大兵圍松山。掘濠。夜有城內步兵突出。即率守汛兵擊敗之。順治元年。從睿王多爾袞入山海關。擊流賊。追至慶都縣。二年。敘功。授牛彖章京。世職。七年。遇恩詔。加一拖沙喇哈番。同旗有馬甲蒙格者。姓翁集爾金氏。世居札魯特地方。從征鄂羅斯。以第三人

奪船有功。授拖沙喇哈番。

巴爾度禪。滿洲鑲黃旗人。崇德五年。從征明圍錦州。步戰擊敵鎗柵步兵營。克之。八年。隨饒餘貝勒阿巴泰。征明至山東。以雲梯攻衮州府。第一人先登。遂克其城。

賜名巴圖魯。八年。論功。授一等甲喇章京。世職。順治元年。隨睿王多爾袞入山海關。同甲喇章京敖德。以步戰擊流賊。敗之。三年。議敘。加半個前程。扈壽。滿洲鑲黃旗人。姓托和羅氏。世居薩哈連烏喇木路村。崇德八年。從貝勒阿巴泰。征明。以



雲梯攻取長城。首先登進。遂克其城。因

賜名巴圖魯。授牛錄章京世職。順治元年。隨睿王多爾

袞入山海關。擊流賊。同敖德步戰有功。五月。從

葉臣平定山西。同卦喇阿機拜。攻太原府。擊敗

偽劉總兵。克其城。二年。敘功。加一拖沙喇哈番。

阿密席理。滿洲鑲黃旗人。姓岳諾托氏。原係札

魯特蒙古。崇德七年冬。隨奉命大將軍阿巴泰

征明。八年至山東。以雲梯攻汶上縣。繼扈壽以

第二人登城。克其縣。凱旋敘功。授半個前程。順

治七年。九年。三遇

恩詔。加至三等阿達哈哈番。同旗有武納哈者。姓何舍

禮氏。世居葉赫地方。亦以軍功得授拖沙喇哈

番世職。累任至江寧副都統。

喀喀齊。滿洲鑲黃旗人。姓瓜爾佳氏。世居烏喇

地方。崇德七年冬。從饒餘貝勒阿巴泰征明。八

年。至山東。攻東阿縣。由水洞潛入。遂克其城。尋

敘功。授半個前程。順治七年。九年。三遇

恩詔。加至三等阿達哈哈番。旋卒。弟鄔黑承襲。十一年。

鄔黑隨寧海大將軍宜爾德。征浙江舟山。同署

纛章京尼雅達。屢敗偽英毅伯阮思等。獲其船

隻十四年敘功。加世職爲二等阿達哈哈番。塔納爾岱。滿洲鑲黃旗人。姓額蘇里氏。世居烏喇地方。以壯尼大隨征。明入山海關。追流賊。順治二年。至江南。攻江陰縣城。於火礮擊塌處。先登。克之。授拖沙喇哈番。同旗有孟俄岱者。姓郭洛羅斯氏。世居沾河地方。崇德八年。隨貝勒阿巴泰。征明。至山東。攻博平縣。不用雲梯。首先登城。克之。授半個前程。又有星額禮者。姓納喇氏。世居葉赫地方。亦隨阿巴泰。征明。繼書紳。登平鄉縣城。克之。授半個前程。順治七年。九年。三遇

恩詔。並加至三等阿達哈哈番。

薩璧圖。滿洲鑲黃旗人。姓何舍里氏。世居哈達地方。崇德八年。隨貝勒阿巴泰。征明。至山東。攻沂水縣。以第三人登城。克之。順治二年。從貝勒博洛。征浙江。攻海寧縣。首先登城。克之。敘功。授拖沙喇哈番。七年。九年。三遇

恩詔。加至三等阿達哈哈番。世職。同旗有秦達祐者。姓伊喇里氏。世居葉赫地方。初任牛錄章京。順治元年。從大兵入山海關。同額爾德。以步戰。敗流賊。追至慶都縣。二年。敘功。授牛錄章京。世職。七

年遇

恩詔加一拖沙喇哈番。又有甲喇章京鄂內者。姓傅察

氏。世居訥音地方。順治元年進北京。二年隨征

福建。五年隨征江西。積軍功得授一等阿達哈

哈番世職。又有二等侍衛阿蘭才者。原係札魯

特貝勒之子。以軍功得授二等阿達哈哈番世

職。又有甲喇章京慕成格者。姓瓜爾佳氏。世居

蘇完地方。亦以軍功得授三等阿達哈哈番世

職。

阿爾泰滿洲鑲黃旗人。姓阿穆拉氏。世居白山

渥集村地方。崇德八年。以壯尼大從貝勒阿巴

泰證明。至山東攻沂水縣。以雲梯繼滾。泰登城。

克之。敘功授半個前程世職。尋卒。以子觀音保

承襲。順治七年遇

恩詔。加為拜他喇布勒哈番。未幾卒。以其伯父之子艾

木布承襲。十一年。征浙江舟山。擊偽伯阮思艾

木布隨署護軍統領。尼雅達擊敗之。又敗偽總

制陳六御等。又同敦拜奪獲敵船。十四年議敘。

加一拖沙喇哈番。康熙十七年。從征福建海寇。

擊偽將軍劉國軒於郭塘山崖。隨平南將軍賴

塔擊敗之。又敗之於夏坑。毆溪頭山。又破賊於郭塘山。板圍山。東魏山。大平寨等處。十九年。隨征南大將軍賴塔。征逆孽吳世璠。由廣西進雲南。破僞將軍何繼祖於石門坎。進奪黃草壩。直抵雲南城外。平定逆孽。並在行間。二十五年。議敘。加授世職爲二等阿達哈哈番。

球蘭滿洲鑲黃旗人。崇德八年。從貝勒阿巴泰。證明至山東。以雲梯攻兗州府。球蘭以第七人登城。又以雲梯攻寧陽縣。繼博羅以第二人登城。並克之。凱旋敘功。授半個前程。順治元年十

一月。從豫親王多鐸南征。平定河南。至潼關。擊流賊第一營。攻揚州府。於紅衣礮擊破城處。以第三人登城有功。七年遇

恩詔。加授拜他喇布勒哈番。又嘗敗土賊於王津村。出

駐防滄州。樂陵縣土賊馬步萬餘作亂。球蘭隨梅勒章京羅璧。敗之於泊頭村。賊馬長五。率馬步兵萬餘。來犯我蒙古牛彖所駐之村。球蘭助擊敗之。先是大同鎮姜瓖叛。球蘭隨征圍大同。又別攻渾源州。中礮傷手。論功加一拖沙喇哈番。九年兩次

八旗通志 卷二百一  
恩詔。加爲二等阿達哈哈番。

莽齊滿洲鑲黃旗人。初任牛錄章京。崇德八年。隨貝勒阿巴泰征明。至山東攻東阿縣。不用雲梯。以第二人先登。遂克其城。十二月。從征薩哈連烏喇。圖虎爾蟬結蘇城。喀爾達孫村。俱招降之。獲丁壯五十三人。順治元年。從英親王阿濟格征流賊。至陝西綏德州。隨梅勒章京阿喇善擊敗賊衆。又同阿喇善往尋賊踪。遇僞吳伯兵三千餘。擊敗之。三年。從肅親王豪格進征四川。擊敗僞帥高汝勵。十一月。擊賊渠八大王張獻

忠。旋隨希爾根進兵破賊。顧見董鄂羅與敵步戰。相持未決。卽同阿喇善助擊。連敗之。五年。敘功。授拖沙喇哈番。

俄木索科。滿洲鑲黃旗人。世居漂城地方。其兄愛通阿。

國初來歸。授爲備禦世職。俄木索科初襲兄職。後爲工部理事官。五載考績。由牛錄章京加半個前程。征松阿里烏喇時。俄木索科圍其村落。獲男子六十五人。初過北京。征山東。遇郝總兵逆戰。率本甲喇兵擊敗之。及圍錦州。敗城南步兵。

八旗通志 卷二百一  
攻松山之役。敵兵夜犯我壕。奮勇擊敗其衆。順治元年。

定鼎燕京。追擊流賊。賊兵潛躡我後。俄木索科擊敗之。進至延安府。駐師南山谷。賊乘夜來戰。俄木索科率衆拒守。仍擊退賊兵。隨往牧馬之所。遇流賊七百騎。同我將胡什布敗之。仍破其第一營。復敗之於九公山。後征江西。叛鎮金聲桓。王得仁。賊首率兵七萬來攻我營。俄木索科率本旗兵敗之。王得仁復整兵來犯兩次。連破其衆。事平議敘。授世職爲二等阿達哈哈番。七年

遇

恩詔。加爲二等阿達哈哈番。尋復追敘前功。加世職爲一等。九年復遇

覃恩。由一等阿達哈哈番加一拖沙喇哈番。世襲罔替。尋病卒。以其子俄莫惠承襲。

篤達理。滿洲鑲黃旗人。順治元年十一月。從定國大將軍豫親王多鐸南征。平定河南江南。以紅衣礮攻揚州府。於擊破處。首先登城。克之。三年論功。授半個前程。七年九年。三遇

恩詔。加至三等阿達哈哈番。旋卒。子敦拜承襲。十一年。

敦拜從寧海大將軍宜爾德征浙江舟山。至夏關地方。偽總兵毛光祚拒戰。敦拜同夸蘭大鄂泰巴圖魯擊敗之。又敗偽英毅伯阮思等於海上。並在事有功。十四年議敘。加世職為一等阿達哈哈番。

鍾泰。滿洲鑲黃旗人。姓鈕祜祿氏。世居木蘭察庫藍地方。順治二年。從貝勒博洛征福建。以紅衣礮攻平和縣關廂。於擊破處。首先登城。克之。以功授半個前程。九年遇兩次。

恩詔。加至拜他喇布勒哈番兼一拖沙喇哈番。同旗有安崇阿者。姓瓜爾佳氏。世居訥音江地方。亦隨貝勒博洛征福建。攻汀州府。首先登城。克之。賜巴圖魯名。尋敘功。授拜他喇布勒哈番。世職。順治七年九年。三遇。

恩詔。加至二等阿達哈哈番。長子黃海。仕至副都統。上駟院大臣。

阿哈泰。滿洲鑲黃旗人。姓伊喇里氏。世居葉赫地方。順治五年。從征江西。叛鎮金聲桓。十五年。從征貴州。十六年。旋師至江南。擊海賊鄭成功。並在事有功。授拖沙喇哈番。卒。子保山承襲。康

熙三十五年。保山從征噶爾丹。由西路進兵有功。加世職爲拜他喇布勒哈番。

覺羅穆祿。滿洲鑲黃旗人。配享

太廟武功郡王之孫也。順治四年。以其祖有大功。

特授穆祿拜他喇布勒哈番世職。七年九年。三遇

恩詔。加至二等阿達哈哈番。十一年。從靖南將軍朱瑪

喇往征廣東。於新會縣左邊山上。敗僞安西王

李定國。追至新會縣山峪中。復敗之。十三年。敘

功。加世職爲一等阿達哈哈番。

鍾內。滿洲鑲黃旗人。其父名魏赫訥。於

國初首先來歸。奉差往招降諾洛地方人百口。屢

從征伐。在事有功。鍾內以驍騎校從征僞桂王。

議敘授拖沙喇哈番世職。

賈哈喇。滿洲鑲黃旗人。姓傅察氏。世居訥音地

方。初管半個牛采。順治十五年。從征貴州。駐扎

靖州。僞總兵田國欽。黃世貴等。欲來投誠。因賊

兵衆多。不能踰越。賈哈喇隨肅章京鄂內。率兵

前往。擊敗賊兵。遂受其降。十六年。凱旋至江南。

值海賊鄭成功入寇。破鎮江瓜州。犯江寧。賈哈

喇隨梅勒章京噶褚哈助本地官兵擊敗之。十



八旗通志 卷二百一  
七年敘功。授拖沙喇哈番。康熙八年卒。子桑格襲。十八年。從征逆孽吳世璠。由廣西進雲南。二十年正月。隨征南大將軍賴塔。擊僞將軍何繼祖等於石門坎黃草壩等處。敗之。直抵雲南。並在行間有功。二十五年議敘。加世職。爲拜他喇布勒哈番。

卦塔滿洲鑲黃旗人。順治十五年。以三等轄從征貴州。擊僞晉王李定國。敗之。進至魯噶地方。定國拒敵。復連敗之。康熙十三年。隨奉命大將軍康親王傑書。征逆藩耿精忠。至浙江白水洋。

擊僞總兵陳起萬。徐果先等。敗之。又敗僞總兵劉秉仁於山嶺。十八年。進福建。剿海寇。至蜈蚣山。僞將軍劉國軒。吳淑等。率二萬餘賊來犯。同穆祿等敗之。又敗國軒於郭塘山崖。二十五年敘功。授拖沙喇哈番。

綽鼐滿洲鑲黃旗人。順治十五年。以擺牙喇章京。從征貴州。於涼水井地方。擊敗僞侯李成蛟等。至雙河口。敗僞晉王李定國。又敗之於磨盤山。康熙十四年。隨撫遠大將軍圖海。征叛鎮王輔臣。攻平涼府城北護山墩。並在事有功。二十

五年議敘。授拖沙喇哈番。

沙哈納。滿洲鑲黃旗人。姓吳爾古禪氏。世居木倫地方。順治十五年。以委署擺牙喇壯尼大。從征貴州。敗偽侯李成蛟。至雙河地方。敗偽晉王李定國。沙哈納在行間有功。尋議敘。授拖沙喇哈番。康熙三年。從征湖廣茅麓山流寇。亦有功。奇喇爾圖。滿洲鑲黃旗人。順治十五年。以署擺牙喇章京。從征貴州。由湖廣靖州進兵。偽總兵田國欽。黃世貴等。欲來投誠。為賊所阻。遂隨燾章京鄂內。擊敗賊二千餘。受其降。比凱旋。由大

江回兵。至江南。值海賊鄭成功陷鎮江瓜州。來犯江寧。賊鋒甚銳。奇喇爾圖隨梅勒章京噶褚哈。助地方官兵進擊。連敗之。十七年。敘功。授拖沙喇哈番。康熙三年。從征湖廣流賊餘黨。攻茅麓山。後長樂嶺。賊眾三千餘。排列鎗礮。挨陣迎犯。定南將軍圖海等。令同委署叅領多璧進擊。敗之。賊渠李成亨子。率四千餘賊拒敵。仍同多璧以步戰。敗之。賊下山會合山下賊兵拒戰。仍同多璧擊敗之。進至上王坪。賊渠李來亨。自率五千餘賊。八路來犯。仍同多璧。以步戰。連敗其



博克孫

希富

郝善

辛柱 弟阿濟根

魏色

吳新泰 希林 韓出哈

晶尼堪

錫賴 巴珊 蘇赫 莫爾渾 扎隆阿 達賴 穆臣 額胡德

索柱

李法納 常格勒 費雅達 常壽 佟阿里 馬爾哈 費揚古 尼雅哈

恩可

齊 克珥圖

奔泰

叟達色 巴圖魯

艾哈納

蘇爾馬

五格

根泰

傅達禮 郭柱 平賽 清吉葉 雲 岱 卓爾泰

西忒布

羅密 齊爾察 七十 撥爾屯 和碩色 博富齊 三陽 潘達里 杜蘭泰 顧巴岱 賴塔 牛鈕

杜鈕

子卓爾侃 兄 常祿 子黑達色

顧德

見名臣吳賴傳 霸賽 下二人同

哈賽

索渾 見名臣額亦都傳

倪馬

禪 見名臣黑東 温都禮 見名臣倪馬禪 格傳

松江

見名臣鄂齊爾 達賴 見名臣顧爾布錫 傳

朗圖

見名臣伊勤慎 貴復 見名臣布克沙傳 傳

唐噶里

見名臣喀喀 布納海 見名臣路什傳 木傳

華克塔哈

見名臣巴 季爾塔巴 見名臣哈什 薩哈傳 屯傳

高赫德巴圖魯

見名臣莊機達傳

丑合德

見名臣高赫德傳下同

色畢倫

鄂通武

見名臣鄂克遜傳

舒書

見忠烈圖魯什傳

雅他立

見忠烈楊愛傳

常孫

見忠烈夏穆達傳

翁阿代

見忠烈和拖傳

屯達爾漢滿洲鑲黃旗人。姓喀爾喇氏。世居葉

赫地方。順治二年。以半個前程品級章京駐防

江寧。順治十一年。從征浙江舟山。同燾章京車

爾布。梅勒章京古魯古。固山大溫都禮等。乘船

擊賊。以第三人登賊舟。敗之。功授拖沙喇哈番

世職。子哈譚。以委署章京於康熙十三年。從定

南將軍希爾根。征逆藩耿精忠。九月。至江西撫

州府。敗偽都督易天錫。又敗撫州府城內賊兵。

遂圍撫州。克之。十四年三月。敗偽都督楊益茂

於七里岡。五月。從希爾根敗賊帥邵連登於建

昌府長興。又破賊吳文備於宜黃縣東。十五年二月。隨定遠平寇大將軍安親王岳樂。由袁州進剿逆藩吳三桂。敗僞將軍夏國相李良棟等。於萍鄉縣東來龍山。又敗僞總兵謝先盛。僞副將朱名勝等。於瀏陽縣北山。二十五年敘功。授拖沙喇哈番。

翁愛。滿洲鑲黃旗人。順治十一年。以擺牙喇章京銜。從征浙江舟山。敗僞英毅伯阮思。康熙十三年。從大兵征逆藩吳三桂。至湖廣宜都縣白洋村。僞將軍劉之復。穆盛等。率二千餘賊。沿江列陣拒敵。翁愛隨護軍統領額司泰進擊。敗之。二十五年敘功。授拖沙喇哈番。

恩色。滿洲鑲黃旗人。姓彥札氏。世居雅拉西倫地方。康熙十三年。以委署護軍校。隨平南將軍賴塔。征逆藩耿精忠。由浙江進福建。十七年。至廣東。十九年。至廣西。二十年。進雲南。奪黃草壩。擒一僞守備。斬之。率前鋒同三等侍衛格梅進擊。連破敵三路隘口。斬獲無算。又執一持大刀賊。至桂花寺地方。擊敗僞將軍胡國柄。破賊二十一營。斬獲無算。並在行間有功。又同三等侍

八旗通志 卷二百二  
衛委署前鋒叅領晶尼堪擊僞帥馬寶於烏木  
山敗之二十五年議敘授一拖沙喇哈番世職  
累任至荊州副都統

塔克潭滿洲鑲黃旗人初以擺牙拉章京從征  
浙江舟山擊僞伯阮思等又擊僞總制陳六御  
等並敗之十五年從征叛鎮王輔臣至綏德州  
胡爾寨嶺險窄路口有僞遊擊洪文英賊兵萬  
餘排列鎗礮拒戰塔克潭奮擊敗之距平涼府  
八里王輔臣子僞總兵王繼正等拒戰復擊敗  
之進剿巖關敗僞將軍吳之茂又敗賊於岐山

坡前至西和縣擊敗賊帥王屏藩又敗賊於洪  
山嘴並在行間十五年議功授拜他喇布勒哈  
番

穆善滿洲鑲黃旗人姓納喇氏世居烏喇地方  
康熙元年以三等侍衛從一等公愛星阿征雲  
南進緬甸至阿娃城獲僞桂王十四年從征陝  
西叛鎮王輔臣僞將軍王屏藩率三萬餘賊於  
漢中西長寨札營旋渡江來躡我兵後穆善隨  
大兵擊敗之又敗之於漢中西猴子嶺又擊僞  
將軍劉慶成敗之入四川僞將軍譚洪率馬步

賊衝犯前哨。穆善奮擊敗之。至尙陽關。敗偽張總兵等。又敗偽總兵陳鳳煥。至鍾家營。敗偽將軍譚洪。又敗偽總兵楊應芳於勾家營。進至益門鎮。西南山上。有偽將軍陳君極。率偽總兵等拒戰。復擊敗之。敘功授拖沙喇哈番。

阿爾納。滿洲鑲黃旗人。康熙十五年。從撫遠大將軍圖海。征陝西叛鎮王輔臣。於平涼府北護山墩。隨大兵擊賊有功。尋隨征南將軍穆占。往湖廣。征逆藩吳三桂。至洞庭湖。擊偽將軍杜輝。巴養元。姜毅等。隨討逆將軍鄂內。進戰。敗之。杜

輝等復率賊乘船。向柳林嘴來犯。又擊敗之。又敗之於君山。磊石鷺鷥口等處。進攻湘陰縣。距縣五十里。有賊二千餘拒戰。率本叅領兵敗之。十九年。隨征逆孽吳世璠。至雲南。克雲南城。並在事有功。二十五年。議敘。授拖沙喇哈番。

噶達渾。滿洲鑲黃旗人。其伯父海塔。任明廣寧遊擊。天命七年。大兵克廣寧。城中人爭奔歸明。海塔獨來歸。因隸鑲黃旗。授二等叅將。世職。後緣事降。備禦。順治五年卒。噶達渾承襲。七年。九年。三遇。



八旗通志 卷一百二  
恩詔。加至二等阿達哈哈番。康熙十三年。從征逆藩耿精忠。至江西。十四年。隨安親王岳樂。擊敗賊帥邵連。登於建昌府長興地方。又敗賊將吳文備。於宜黃縣東山。十五年。隨安親王岳樂。征逆藩吳三桂。敗偽將軍夏國相等。於袁州府萍鄉縣東來龍山。又敗賊首楊興二總兵於章溪。十八年。從貝子章泰。敗偽將軍吳國貴於武岡州雙井鋪。二十年。敘功。加世職。爲一等阿達哈哈番。羅多禮。滿洲鑲黃旗人。康熙十三年。以委署叅領。從征逆藩耿精忠。十四年。閏五月。隨都統喇

哈達。擊賊於石塘地方。敗偽將軍鄭文鼎。徐元等。進至石佛嶺。擊偽總兵陳得功。偽副將徐鼎先等。半山嶺。偽總兵劉邦仁。率馬步賊拒戰。羅多禮以步戰。擊敗之。十五年。隨定南將軍賴塔。破偽將軍馬九玉於草坪地方。又擊水南賊。敗之。十六年。二月。隨賴塔。擊海寇。偽總督趙得勝。偽將軍何祐。於太平山。破其二十六營。又敗西邊百木山馬步賊萬餘。進征福建。遇海賊自泉州敗遁。追擊敗之。至蜈蚣嶺。敗偽將軍劉國軒。吳淑等。又擊板圍山賊。敗之。十九年。賴塔爲征

八旗通志 卷二百二  
南大將軍進征雲南。羅多禮仍隨征。破黃草壩。平定雲南城。追僞將軍馬寶。巴養元於烏木山。俱在事有功。優授拜他喇布勒哈番。

尤德赫。滿洲鑲黃旗人。康熙十三年。以佐領隨征逆藩耿精忠。擊僞都督姜陽舜等於江山縣。尤德赫力戰被傷。二十五年敘功。授拖沙喇哈番。尋卒。子誇克塔納承襲。三十五年。誇克塔納從征厄魯特噶爾丹。由西路進兵有功。加世職。爲拜他喇布勒哈番。

薩哈珥。滿洲鑲黃旗人。康熙十四年。以護軍校從征逆藩耿精忠。至江西。十五年。從大兵破僞將軍李懋珠。李復生等。於建昌府城南鐘鼓山。至蓮塘地方。破僞陳總兵於馬安寨。又敗僞提督顏子明。僞將軍張郭年等。於馬甸地方。進至南康縣。復敗之。十六年。隨鎮南將軍莽依圖。往廣東進剿吳逆。十月。於韶州府城東邊山。擊僞將軍馬寶。王三。王錦五。薛起隆等。敗之。又敗僞總兵姜熊等七千餘賊。至廣西。敗僞將軍吳世琮於新村西山。十九年。隨征南大將軍賴塔。進剿雲南。攻克黃草壩。進攻雲南城。並在事有功。

八旗通志 卷二百二  
尋議敘。授拜他喇布勒哈番。

孟俄。滿洲鑲黃旗人。康熙十三年。以委署護軍校。從征逆藩耿精忠。至江西。有賊帥李懋珠。李復生等。率賊萬餘。於建昌府城南鐘鼓山拒戰。孟俄隨副都統雅秦。進擊敗之。又敗偽陳總兵於馬安寨。又敗偽余將軍於浮潭堡。旋隨安南將軍舒恕。進至南康縣。敗偽提督顏子明。偽將軍張郭年等。遂進征廣東。於詔州東邊山。敗吳逆偽將軍馬寶等。又敗偽總兵姜熊於樹梓墟地方。又隨大兵擊吳逆偽將軍吳世琮於新村西山。十九年。從征雲南。破黃草壩。克雲南城。並在行間。康熙二十五年。敘功。授拖沙喇哈番。三十五年。從征厄魯特噶爾丹。由西路進兵有功。加授拜他喇布勒哈番。

拖色。滿洲鑲黃旗人。姓洪洛氏。世居松阿里烏喇地方。康熙十三年。以護軍校。從定西將軍希爾根。征逆藩耿精忠。至江西撫州府城東千金坡。擊敗偽將軍楊三。偽總兵李懋珠等。至會浦。破偽總兵朱一典。又敗偽總兵孫可兌於新昌縣北山。十四年。敗賊帥邵連登於建昌府長興

八旗通志 卷一百一十二  
地方十五年二月。從征逆藩吳三桂。隨安親王岳樂破僞將軍夏國相李良棟等。於袁州府萍鄉縣東來龍山。又破賊於湖南平江縣。敗僞總兵陳夏。劉辛裘等。進至七家洞。以步戰敗僞總兵裘以勝。攻取九嶺。擊僞總兵朱永昇。又連敗之。十九年。至雲南。平定吳逆。並在行間。二十五年敘功。授拜他喇布勒哈番。

戴色。滿洲鑲黃旗人。康熙十三年。以委署章京。從征逆藩耿精忠。至江西。擊僞副將陳留印。朱二等。於鄱陽湖汊口。敗之。又敗鄱陽湖壩口賊五千餘。十四年五月。隨定南將軍希爾根。破僞帥邵連。登於建昌府長興地方。十五年三月。隨定遠平寇大將軍安親王岳樂。征逆藩吳三桂。敗僞將軍夏國相李良棟。於袁州府萍鄉縣東。進至湖廣長沙府。賊出南門來犯。復擊敗之。又登古嶺山。擊敗僞總兵揭遇卿。副將年鎮寶。是年議敘。授拖沙喇哈番。雍正元年。以戴色從征吳三桂。在江西湖廣等處効力甚多。追敘前功。加授拜他喇布勒哈番。

哈達。滿洲鑲黃旗人。康熙十三年。以護軍校從

征逆藩耿精忠。至江西。隨定南將軍希爾根。圍撫州府城。擊僞將軍楊三。僞總兵李懋珠等。於千金坡。敗之。又敗僞總兵朱一典於會浦。又擊敗新昌縣賊。十四年。復隨希爾根。敗賊帥邵連。登於建昌府長興地方。至饒州府。擊景德鎮賊。敗之。十五年二月。隨安親王岳樂。征逆藩吳三桂。敗僞將軍夏國相等。於萍鄉縣東來龍山。三十五年。敘功。授拖沙喇哈番。

博克孫。滿洲鑲黃旗人。康熙十三年。以委署護軍校。從副都統喇哈。征逆藩耿精忠。至浙江紹

興府。擊賊首王宗仁。於諸暨縣河岸。敗之。至義烏縣。耿逆僞左軍都督龔姓者。率賊於山坑嶺。據險抗拒。博克孫進擊。連敗之。十月。隨平南將軍賴塔。敗僞都督周烈於衢州之紅橋。周烈復同僞總兵桑明等。於衢州府蕉園地方。及鷺鷥村河崖。立兩營拒戰。仍隨賴塔。擊敗之。僞將軍馬九玉。遣僞總兵率精兵數萬。渡河來攻。仍擊敗之。十六年。隨寧海將軍喇哈達等。擊海寇僞總督興明。伯趙得勝。僞將軍何猷等。於太平山。毀其二十六營。僞將軍何猷。徐堯。吳順等。堅守

八旗通志 卷二百二  
泉州城復攻克之。十九年敘功。授拖沙喇哈番。希富。鑲黃旗包衣滿洲人。康熙十三年。以四品官從征逆藩耿精忠。至浙江。僞帥楊祿等。率三千餘賊。火焚尖山浮橋。希富於渡處邀截。敗之。又隨副都統喇哈。敗賊首王宗仁於諸暨縣河岸。敗僞左軍都督龔姓。及僞王總兵等。於諸暨縣山坑嶺。十月。隨平南將軍賴塔。敗僞都督周烈於紅橋地方。敗僞總兵桑明等於衢州府屬蕉園地方。及鷺鷥村河崖。又敗賊於孝順街。僞將軍馬九玉。率馬步賊自廟村渡江來拒。率八

旗四十護軍擊敗之。又敗僞林總兵於大溪灘地方。毀其木城。僞兵曹閔可孝。僞守備趙深等。率賊於夏口地方拒敵。並擊敗之。至浦城縣。破賊於城北門。十七年。隨賴塔敗海賊僞總督徐元堯於烏龍江前小門山鎮風山。破一十四營。又破僞總督興明。伯趙得勝。僞將軍何猷等。於太平山。破其二十六營。並在事有功。至泉州。指授雲梯攻城克之。尋敘功。優授爲拜他喇布勒哈番世職。

郝善。鑲黃旗包衣滿洲人。康熙十三年。以護軍

校從征逆藩耿精忠。隨副都統喇哈。破賊王宗仁於諸暨縣河岸。至義烏縣。擊偽左軍都督龔姓者。及偽王總兵等於山坑嶺。連敗之。又敗偽總督葉年於黃潭口。破其木城。至大鏡村地方。擊賊。亦破其木城。十月。隨平南將軍賴塔。擊偽將軍馬九玉所遣偽中軍李廷貴於衢州府北原口。又破偽林總兵於大溪灘地方。並在行間。十七年。隨賴塔破海賊鄭錦所遣偽總督徐元堯於烏龍江前小門山鎮風山。又敗偽總督興明伯趙得勝。偽將軍何猷等於太平山。並在事。有功。事平。議敘。授拖沙喇哈番。

辛柱。鑲黃旗包衣滿洲人。姓傅察氏。世居訥音地方。公主下降察哈爾王子。以辛柱爲長史。康熙十四年。察哈爾王子布爾尼逼其父謀叛。辛柱遣其弟阿濟根赴

闕密奏。未幾果叛。辛柱奔回請兵。事平。從優授爲二等阿達哈哈番。仕至易州城守尉。阿濟根亦以奏報論功。授一拖沙喇哈番。

魏色。滿洲鑲黃旗人。姓民覺羅氏。世居葉赫地方。康熙十四年。以拖沙喇哈番品級章京。從信

八旗通志 卷二百一十二  
郡王鄂扎征察哈爾布爾尼破賊於大魯地方。又敗其山溝伏兵。事平議功。授拖沙喇哈番世職。同旗有前鋒侍衛吳新泰者。姓洪伊里氏。世居烏喇伊蘭飛爾達哈村。又有親軍校希林者。姓瓜爾佳氏。世居蘇完地方。又有佐領韓出哈者。三人並以是役在事有功。議敘。俱授拖沙喇哈番世職。

晶尼堪。滿洲鑲黃旗人。姓孟鄂羅氏。世居松阿喇烏喇之塞木德合地方。康熙十九年。以三等侍衛。從征南大將軍賴塔。征逆孽吳世璠。由廣

西進雲南。奪石門坎。黃草壩。直抵雲南城下。又隨都統希佛。追偽將軍馬寶。巴養元等。於烏木山敗之。二十五年。敘功。授拜他喇布勒哈番世職。同旗有委署叅領錫賴者。姓李佳氏。世居扎坤畝地方。又有佐領巴珊。護軍校蘇赫。莫爾渾。扎隆阿。委署護軍校達賴。穆臣。額胡德。並以是役隨大將軍賴塔在事有功。議敘。各授拖沙喇哈番世職。

索柱。滿洲鑲黃旗人。姓納喇氏。世居哈達地方。康熙十九年。以三等侍衛。從征南大將軍賴塔



征逆孽吳世璠。奪石門坎。黃草壩。攻克雲南城。二十五年議功。授拖沙喇哈番世職。同旗有委署護軍校李法納。常格勒。驍騎校費雅達者。並在事有功。又有常壽者。姓傅察氏。世居沙磯地方。佟阿里者。姓瓜爾佳氏。世居葉赫地方。委署護軍校馬爾哈者。世居伊蘭飛爾達哈村。費揚古者。姓郭洛羅斯氏。世居查木拉地方。尼雅哈齊者。姓托牧氏。世居哈達地方。並以是役隨大將軍賴塔進剿有功。議敘。各授拖沙喇哈番世職。

克珥圖。滿洲鑲黃旗人。康熙十三年。以署章京從征逆藩吳三桂。至江西。有莊朱二僞總兵。在沔津地方拒敵。克珥圖隨大兵擊敗之。至吉安。惶恐灘。破賊水陸三千餘人。至南康縣。有僞提督顏子明。僞將軍張郭年等。率三萬餘賊拒敵。復擊敗之。十六年十月。至廣東韶州府。隨鎮南將軍莽依圖等。擊僞將軍馬寶。王三。王錦。五。薛起隆等。敗賊萬餘。破其所立五營。進至廣西。破僞將軍吳世琮。馬步六千餘賊。於新村西山。十九年。隨征南大將軍賴塔。進征雲南。奪石門坎。

八旗通志 卷二百二  
黃草壩。平定雲南。並在行間。二十五年議功。授拜他喇布勒哈番。

奔泰滿洲鑲黃旗人。康熙十七年。以護軍校從征福建海寇。十八年正月。擊僞將軍劉國軒於夏坑歐溪。適郭塘板圍山等處海賊併力來犯。奔泰隨平南將軍賴塔奮擊敗之。又敗太平寨賊六千餘。十九年。隨征南大將軍賴塔。往征逆孽吳世璠。由廣西進雲南。擊僞將軍何繼祖等於石門坎山隘。連敗之。又敗之於黃草壩。直至雲南城下。並在行間有功。二十五年議敘。授拜

他喇布勒哈番。

叟達色。滿洲鑲黃旗人。康熙十七年。從大兵征海寇。攻泉州府。以雲梯繼達爾漢第三登城。克之。

賜名巴圖魯。十九年。授世職。拜他喇布勒哈番。三十五年。從征噶爾丹。由西路進兵有功。加一拖沙喇哈番。

艾哈納。滿洲鑲黃旗人。康熙十七年。以護軍校從征廣西。隨鎮南將軍莽依圖等。擊僞將軍吳世琮。馬步六千餘賊。於新村西山。敗之。又隨征

八旗通志 卷二百二  
南大將軍賴塔進征吳逆。敗賊於黃草壩。長驅抵雲南城下。尋克之。二十九年。從征厄魯特。於烏蘭布通地方。遇賊噶爾丹在河岸列陣。艾哈納奮勇進戰。隨大兵擊敗之。三十年敘功。授拖沙喇哈番。

蘇爾馬。滿洲鑲黃旗人。姓寧古塔氏。世居寧古塔地方。康熙十四年。以護軍校從撫遠大將軍信郡王鄂札北征。叛逆察哈爾布爾尼。至大魯地方。破布爾尼。敗其伏兵。又連敗之。事平。以功授拖沙喇哈番。十九年。從征南大將軍賴塔平

定雲南。奪石門坎。破黃草壩。克雲南城。並在事有功。加世職爲拜他喇布勒哈番。

五格。滿洲鑲黃旗人。姓鄂岳氏。世居西北里城哈達地方。康熙十九年。以驍騎校從征雲南吳逆。奪石門坎。黃草壩。進攻雲南城。追僞將軍馬寶等。俱在事有功。三十五年。隨大兵征厄魯特噶爾丹。於昭莫多地方擊賊有功。三十七年。議敘。優授拜他喇布勒哈番。

根泰。滿洲鑲黃旗人。康熙二十九年。以主事署叅領。外委夸藍大。從征厄魯特。至烏蘭布通地

八旗通志 卷二百二  
方。領燾拒戰。左足中鳥鎗重傷。授拖沙喇哈番世職。同旗有護軍校委署護軍叅領部委夸藍大傅達里。烏鎗護軍校委署夸藍大郭柱。並以五十九年。進西藏有功。雍正二年。授拖沙喇哈番世職。又有平賽者。姓馬佳氏。世居費阿喇地方。清吉葉者。姓牧氏。世居哈達地方。雲岱者。姓額素禮氏。卓爾泰者。姓喇庫勒氏。世居牧蘭查庫藍地方。俱以自立軍功。授拖沙喇哈番世職。西忒布。滿洲鑲黃旗人。姓傅察氏。世居葉赫地方。康熙三十五年。以護軍叅領。從征厄魯特噶

爾丹。由西路進剿有功。授拖沙喇哈番世職。同旗有護軍叅領羅密者。姓瓜爾佳氏。世居蘇完地方。護軍叅領齊爾察者。世居薩哈連烏喇地方。委署護軍叅領七十者。姓鈕祜祿氏。世居長白山之南。並以是役在事有功。又有叅領撥爾屯。佐領和碩色。二等侍衛博富齊。防禦三陽。拖沙喇哈番品級章京潘達理。杜蘭泰。顧巴岱。五品官賴塔。牛鈕。亦以是役在事有功。三十六年。議敘。俱授拖沙喇哈番世職。

杜鈕。滿洲鑲黃旗人。姓巴牙喇氏。世居薩哈連

烏喇松阿喇烏喇接壤地方。因累世輸誠進貢。効順有年。又率六十四戶。二百五丁。遷於寧古塔地方。與舊滿洲官兵一體効力。康熙十七年。授爲拖沙喇哈番。其弟濟祿侃。其兄子卓爾提。有並以三等侍衛。從征厄魯特噶爾丹。由西路進剿有功。三十六年議敘。各授一拖沙喇哈番世職。

常祿。滿洲鑲黃旗人。姓李佳氏。世居饒賽山欽札庫穆地方。初任蘇拉章京。康熙三十五年。隨征厄魯特噶爾丹。由西路進兵。聞

聖祖仁皇帝親征。誓圖報効。因奮勇進戰。不避矢石。擊敗賊衆。敘功授拖沙喇哈番。年老辭退。以其子黑達色襲職。黑達色累任副叅領。雍正七年。隨靖邊大將軍公傅爾丹。由北路進剿準噶爾。九年。與賊遇於和通胡爾漢諾爾地方。黑達色力戰陣亡。

欽賜祭葬。卹贈拖沙喇哈番。合前所得世職併爲一拜。他喇布勒哈番。以其子德興承襲。

八旗通志初集卷之二百三

勲臣傳三

正黃旗滿洲世職官

布顏塔布囊

從子毛奇塔特

蘇喇岱

子巴錫

喀愷

子阿庫禮

巴穆布里

騰起

子和善

屯泰巴圖魯

賈隆阿

子噶爾都

納璘

子達爾呼達

達雅齊

和碩退

兄子雍貴

蘇巴泰巴圖魯

鄂貝

莽吉圖

富喀

伊古禮巴圖魯

圖球

達喇密

和敏 子岳干 弟胡薩禮

闡褚 子賽弼圖

翁什庫巴圖魯

躔玉 孫張保住

尼克什哈

薩哈連

那齊哈

舜古通岱

伍達納

穆納昆 弟莫洛渾

朝良巴圖魯

科爾堪巴圖魯

察瑪垓 兄子羅思漢

圖尤

雅喇

墨古

甯塔哈

巴達納

年青阿 父倪雅漢

覺羅托羅科 父扈鈕

鄂多鼎 叔父子孟代

覺羅勒本德 父多鐸

覺羅巴克山

華尙

阿圖

顏珠虎 子拜珠虎

穆成格

何爾退

穆里

巴明

覺羅弼雅祿

巴布連

阿薩里

婁德

海都

英格勒 奇泰

海布祿 父圖

覺羅薩賴

馬爾杜艾圖

達理瑚

馬虎

索丹

賽色

金布

官保

額爾都

羅奇

雅穆布

杭舒

艾褚

海音布

巴圖魯

吳爾佳齊

祈薩穆

瓦爾達

秦穆巴

特噶

巴爾漢

輝寶

鼐珊

覺羅德布

囊桑

拜三

夏思泰

雅賴

扎易薩

董得貴

寧古塔

覺羅布納岱

朔世地

納秦

胡錫布

都爾巴

覺羅塞克森

額僧特

愛圖

殷達虎

馬陵格

色楞

惠蘭

莫譚

禪出

黑默里

索圖

拉哈禮

吳賽

阿哈旦

見名臣楊古

阿哈連

見名臣那木泰

唐古哈

見名臣譚泰

諾穆齊

見名臣馬福塔

祁郎阿

見名臣定壽

古蘇

見名臣圖賴

宜思哈

見名臣宜爾格

德傳

下二人同

雅木哈納巴圖魯

西特庫

扎福尼

見名臣喀喇

特爾勤

見名臣舒里渾

馬克度

見名臣吳巴海

達雅里巴圖魯

見名臣根特

傳下同

格爾特

希爾布

見名臣奇塔特

魏徵傳



額爾格爾珠珥 見名臣喀蘭圖傳

敦達禮 見名臣布恕 桑格

舒書 見忠烈滿達禮 碩色 見忠烈霸雅爾圖

圖勒慎 見忠烈張屯 羅託

額爾璧赫 見忠烈額爾機根傳 代松阿 見忠烈瓦爾喀

他克圖巴圖魯 見忠烈蘇爾修傳

艾音布 見忠烈溼音 雅爾布 見忠烈碩爾昆

疏拜 見忠烈傅察傳 綏蘭 見忠烈阿什譚傳

魏赫德 馬寧阿 見忠烈特庫殷

阿爾納 見忠烈巴錫傳

布顏塔布囊滿洲正黃旗人原籍蒙古同昂坤

都稜來歸授牛錄章京世職初從大兵征董夔

為岳託貝勒引路前進又從征克什克屯擊梭

訥慕諾木奇首先衝入敵陣破之又同布哈往

掠明錦州俘獲甚眾天聰十年敘功加世職為

三等甲喇章京崇德三年從貝勒岳託征明北

京擊蘆溝橋敵兵於燾前斬敵有功五年同阿

爾沙蘭攻錦州斬明偵卒八人獲馬十二匹又

同左翼兵敗敵斬殺盈壕六年隨鄭親王濟爾

哈朗克錦州外城擊明軍門洪承疇兵敗之是

八旗通志 卷二百三  
年。加世職爲二等甲喇章京。順治二年。追敘舊臣勲績。以布顏曾受

太宗眷顧。陞一等甲喇章京。世職。其從子吳納海陣亡。將吳納海牛录章京。世職。並與布顏塔布囊爲三等梅勒章京。順治九年

恩詔。準以三等阿思哈尼哈番。世襲罔替。從子毛奇塔特。初襲布顏。世職。康熙三十五年。從征厄魯特。噶爾丹。由西路進兵。敗賊。三十六年。議敘。加授二等阿思哈尼哈番。

蘇喇岱。滿洲正黃旗人。生而勇敢。天命六年。從大兵征遼陽。七年。取廣寧。又攻北山寨。蘇喇岱並同諾木奇。丹岱等。衝入敵軍。以步戰。敗囊努格。天聰四年。征明攻永平府。同二十四人先登。克其城。崇德六年。圍錦州。敵兵出木魯河。蘇喇岱同希爾根。衝入敵陣。敵犯我鑲黃旗壕塹。復同恩格。參當先擊之。錦州兵追我哨卒。同索爾和阿介。却之。又於塔山附近。堵截道路。斬殺甚衆。順治元年。從大兵入山海關。擊流寇。並有功。四年。授拖沙喇哈番。七年。九年。三次

恩詔。累加至三等阿達哈哈番。卒。子巴錫襲職。康熙十

七年。從征福建海寇偽將軍劉國軒於灣腰樹地方。對河潮溝築壘拒戰。巴錫隨大兵進擊敗之。又隨平南將軍賴塔敗劉國軒於郭塘山崖。國軒復率衆拒戰於夏坑。毆溪頭地方。兩兵相拒。忽郭塘山賊併力出犯。仍隨賴塔分兵敗之。又敗賊於太平寨。十九年。從征南大將軍賴塔進征雲南。敗吳逆賊將何繼祖等於黃草壩。直抵雲南城下。又隨都統希福追賊帥馬寶巴養元於烏木山。並在事有功。加世職爲二等阿達哈哈番。

喀愷。滿洲正黃旗人。姓覺羅氏。世居巴爾達地方。

國初隨父瓜拉來歸。天命七年。從征廣寧。遇明兵截路。喀愷爭先擊敗之。尋管本牛录事。牛录人舊多窮乏。喀愷能安輯所屬。使之豐足。天聰八年。論功。授牛录章京。世職。崇德元年。又加半個前程。二年。

太宗文皇帝命率兵一千二百。往征瓦爾喀。多所斬獲。明年。擢戶部理事官。三年。從揚威大將軍貝勒岳託征明。督雲梯克定興縣。至涿州。遇明太監

高起潛引兵來犯。同固山額真譚泰擊敗其眾。六年。從征錦州。率本甲喇兵。擊敗松山騎兵。順治元年。從睿王多爾袞入山海關。追流寇有功。加世職為一等甲喇章京。七年。九年。三遇

恩詔。加至二等阿思哈尼哈番。世襲罔替。子阿庫禮。初任三等轄。喀愷年老謝病。以所有二等阿思哈尼哈番世職與其子三人分襲。阿庫禮分襲三等阿達哈哈番。康熙十三年。從征逆藩耿精忠。至江西。擊賊將朱二。陳流音等於鄱陽。三敗其眾。十四年。隨定南將軍希爾根。敗賊帥邵連登。

於建昌府之長興地方。十五年。從安親王岳樂征逆藩吳三桂。敗偽將軍夏國相李良棟等於袁州府萍鄉縣。又連敗偽總兵寇義勝。朱永勝等。論功。加授世職為二等阿達哈哈番。

巴穆布理。滿洲正黃旗人。姓塔查覺爾察氏。少侍

太祖高皇帝。勤慎機警。遇事敢言。有馬爾屯人名穆起者。偽設宴迎

駕為逆謀。太祖將往赴之。巴穆布理力勸阻止。

命五人代往。盡爲所害。

太祖嘉其忠。每年冬夏。賞衣服鞍馬銀物。卒。追授牛录章京世職。以其孫渾塔襲。

騰起。滿洲正黃旗人。本姓趙嘉氏。後姓覺羅氏。世居額爾敏地方。初任頭等轄。

太宗文皇帝選用八壯士。騰起與焉。大兵征松山。率本甲喇兵前驅破敵。天聰四年。從大兵征明。克永平。身多被傷。賞馬駝蟒緞銀兩。崇德五年。圍錦州。與庫倫兵戰。騰起介馬衝陣。餘軍繼之。敵潰。又擊杏山兵。敗之。進攻松山。被重創。方展視傷

痕。見敵兵闖入。奮起擊敗之。又兩破杏山兵。及師旋。敵人來追。騰起爲殿。敵不敢迫。六年。

太宗親統兵破錦州。兵回。敵復來追。騰起率本隊兵。伏於淑水達爾答地方。俟敵過半。突擊之。敵兵大敗。順治六年。隨征大同。叛鎮姜瓖。敗賊於靈邱縣。賞馬二匹。又於左衛敗賊者再。子和善。初任護軍校。順治十二年。隨寧海大將軍宜爾德。征舟山。兩敗僞英毅伯阮思僞總制陳六御等舟師。以功授拖沙喇哈番。尋擢慎刑司員外郎。康熙十四年。以叅領隨康親王傑書。往征福建逆

八旗通志 卷二百三  
藩耿精忠。官兵次半山嶺。與偽都督劉邦仁。偽副將張宗魯等戰。久之不能克。和善執燾前驅。餘軍繼入。大敗之。斬敵四千餘。又於水南草坪關。興化府。太平山。全州等處。敗賊七次。擒獲偽將弁甚衆。

屯泰巴圖魯。滿洲正黃旗人。姓馬佳氏。世居薩哈地方。後移居綏分。天聰五年。從大兵取明大凌河。於錦州附近駐兵。明兵來戰。屯泰當先衝敵有功。崇德八年。從貝勒阿巴泰征明。至山東費縣。以雲梯攻城。先登克之。

賜名巴圖魯。授牛彖章京世職。順治七年遇恩詔。加一拖沙喇哈番。

賈隆阿。滿洲正黃旗人。姓西克特禮氏。世居松阿禮烏拉之庫爾喀和羅懇布祿村。天聰八年。以辦事有能。授牛彖章京世職。崇德二年。從征明北京。擊蘆溝橋敵兵。敗之。四年。從征撒哈連烏喇。五年。從征錦州。七年。從征松阿里江等處。屢戰有功。順治元年。隨睿王多爾袞入山海關。破流賊。追至慶都縣。二年。敘功。加世職爲三等甲喇章京。七年。九年。三遇。

恩詔。加至一等阿達哈哈番。又一拖沙喇哈番。十六年卒。子噶爾都襲。康熙十四年。噶爾都從征陝西。擊叛鎮王輔臣子王繼正敗之。十七年。從征南將軍穆占。往湖廣征逆藩吳三桂。至沿山嶺。賊將馬寶等。率三萬餘眾來戰。噶爾都力戰亡於陣。二十五年。議卹。加贈為三等阿思哈尼哈番。世襲罔替。以其子巴爾圖襲。

納璘。滿洲正黃旗人。姓塔他喇氏。世居瓦爾喀地方。初投朝鮮為部屬。崇德元年。朝鮮平。納璘同兄葉陳來降。五年。葉陳卒。授納璘牛录章京。

世職。順治元年。從睿王多爾袞入山海關。破流寇。又追至慶都縣。敗之。二年。敘功。加半個前程。卒。子敏達襲。七年。九年。三遇。

恩詔。加至一等阿達哈哈番。順治十一年。緣事革退。因銷去。

恩詔所得。餘拜他喇布勒哈番。兼一拖沙喇哈番。以其弟達爾呼達襲。十一年。達爾呼達從征廣東。敗偽安西王李定國兵於新會縣左山上。復敗之於山峪內。十三年。敘功。加為三等阿達哈哈番。達雅齊。滿洲正黃旗人。初任部院官。以才能稱。

八旗通志 卷二百三  
崇德元年。奉遣同塔布囊等往察哈爾喀爾喀。科爾沁諸國。查戶口。編牛彙。會同外藩諸王台吉等。審罪犯。頒法律。禁奸盜。並有功。尋以事罷官。復以廢官奉

命遣至明宣府北張家口。與明人創議開立布市。有裨國計。四年議敘。授牛彙章京世職。

和碩退滿洲正黃旗人。姓瓜爾佳氏。世居蘇完地方。崇德三年。從大兵征明。攻寧津縣。不用雲梯。先登。遂克其城。四年。授半個前程。八年。復從貝勒阿巴泰征明。攻順德府城。奮勇先登。亦克

之。又加半個前程。合爲牛彙章京世職。順治七年。九年。三次

恩詔。加爲二等阿達哈哈番。後從征福建。復敗賊於侯

關。加世職爲一等阿達哈哈番。病卒。以兄之子雍貴襲職。十六年。雍貴從安南將軍達素征福建海寇。數有功績。常率本旗舟師。敗賊船二百餘於烏龍江上。旋聞賊困羅源縣。率師往援。力戰歿於陣。尋議卹。加世職爲一等阿達哈哈番。蘇巴泰巴圖魯。滿洲正黃旗人。姓瓜爾嘉氏。世居烏蘇地方。崇德三年。從大兵征明。至山東攻



濟南府登城克之。

賜名巴圖魯。四年授牛錄章京世職。加半個前程。六年從大兵征明。圍錦州。屢次有功。七年加世職爲三等甲喇章京。順治七年九年三遇

恩詔。屢加至一等阿達哈哈番。又一拖沙喇哈番。

鄂貝滿洲正黃旗人。姓馬嘉氏。世居綏分地方。國初來歸。任牛錄章京。崇德三年從貝勒岳託征明。戰於青山口。與甲喇章京和爾根。越衆前驅。斬其騎兵。後至山東。擊明王總兵。敗之。五年從睿親王多爾袞征明。圍錦州。擊敗明松山援兵。

又同固山額真譚泰。擊敗杏山兵。順治元年。隨定國大將軍豫親王多鐸南征。二年下南京。分兵攻崑山縣。與梅勒章京蘇法前驅。擊敵兵。敗之。僞帥王斐。王起興。毛大譽。來犯常州府。與固山額真馬喇希敗之。又偕梅勒章京甘都。至宜興縣。連敗僞帥吳會將王起興。又與梅勒章京屠賴。破敵於常州府。生擒敵人來刺屠賴者。尋卒於軍。十三年。追授半個前程。以其子翁古純襲。

莽吉圖。滿洲正黃旗人。姓馬嘉氏。世居牟旦地。

八旗通志 卷二百三  
方。初任壯尼大。崇德三年。隨大兵征明。至山東。用雲梯攻寧津縣。以第三人登城。克之。六年。從大兵圍錦州。攻明經畧洪承疇三營步兵。率先衝入。敗其衆。順治元年。隨睿王多爾袞入山海關。破流寇。又隨定國大將軍豫親王多鐸追流寇於潼關。敗賊四次。明年。平定江南。俱在行間。有功。三年。議敘。授半個前程世職。七年。九年。三遇。

恩詔。加至三等阿達哈哈番。十四年。擢梅勒章京。駐防江寧。以病卒於任。

富喀滿洲正黃旗人。早從征伐。累官至兵部叅政。授牛录章京世職。緣事革職。復任噶布什賢轄。崇德七年。從右翼大兵征明。我師由黃崖口入長城。取邊關。敵兵多遁。明薊州總兵白騰蛟奔桃林。因精選將士。謀取薊州。富喀與焉。及往圍其城。騰蛟迎擊。我師與之遇。大敗之。順治元年。從睿王多爾袞入山海關。追流寇。同固山額真公圖賴等。屢次敗賊。十一月。隨定國大將軍豫親王多鐸。平定江南。同噶喇昂邦努山等。敗敵於五惠村。三年。從揚威大將軍豫親王多鐸。

征騰機思。破土謝圖汗。俱有功。授半個前程。七年。九年。三遇。

恩詔。加至三等阿達哈哈番。尋擢駐防江寧梅勒章京。卒於任。

伊古禮巴圖魯。滿洲正黃旗人。姓馬佳氏。世居薩哈地方。後移居綏分。崇德三年。從貝勒岳託。證明。過北京至趙州。用雲梯攻城。先登克之。

賜名巴圖魯。授牛录章京世職。兼半個前程。順治三年。卒。兄子博磊襲。遇。

恩詔。加爲二等阿達哈哈番。博磊卒。子郝善襲。康熙十四年。從征察哈爾布爾尼。至大魯地方。破賊。又破山溝伏兵。又敗其援賊。論功。加世職爲二等阿達哈哈番。

圖球。滿洲正黃旗人。姓燕札氏。世居雅蘭喜林地方。初大兵征雅蘭喜林。圖球同多機理引路前進。往掠六次。斬獲甚衆。復從征綏分雅蘭湖野地方。率甲士三十人。乘船二隻。取黑河島。獲丁壯三十人。後又獲十五人。崇德三年。敘功。授半個前程。順治七年。九年。三遇。

恩詔。累加至三等阿達哈哈番。

達喇密滿洲正黃旗人。姓瓜爾嘉氏。世居蘇完地方。初任分得撥什庫。崇德三年。從貝勒岳託證明。有敵兵夜犯前鋒營。達喇密同諾木齊擊敗之。隨安平貝勒杜度進攻博野縣。不用雲梯。奮勇先登。克其城。四年敘功。授半個前程。世職。順治元年。從睿王多爾袞入山海關。擊流寇。敗之。二年議敘。加世職為牛錄章京。七年。九年。三遇。

恩詔。累加至二等阿達哈哈番。

和敏。滿洲正黃旗人。姓賴布氏。世居佛阿喇地。

恩詔。加至三等阿達哈哈番。十一年。從寧海大將軍宜

方。崇德三年。從貝勒岳託證明。率本甲喇兵攻博野縣。下之。又以雲梯攻拔膠州城。敘功。授半個前程。卒。子岳干襲父職。順治七年。九年。三遇。爾德征浙江舟山。偕梅勒章京郭永珍等。連破偽英毅伯阮思。偽總制陳六御等舟師。論功。加授二等阿達哈哈番。十六年。隨定西將軍愛星阿征雲南。十八年。進兵緬國。至阿娃城。獲偽桂王。岳干在事有功。康熙十九年。隨貝子章泰等。征逆孽吳世璠。敗偽將軍胡國柄。劉起龍。黃明。

八旗通志 卷二百三  
等兵。以功加世職爲一等阿達哈哈番。胡薩禮者。和敏之弟也。順治六年。隨征南大將軍譚泰。征江西叛鎮金聲桓。連敗賊將僞王總兵劉總兵等。以功授拖沙喇哈番。

闡褚。滿洲正黃旗人。姓瓜爾嘉氏。世居三姓地方。崇德四年。隨曹海沙慕什喀。征撒哈連烏喇。力戰。身中九創。仍大破敵兵。五年論功。授牛录章京世職。順治七年。九年。三遇

恩詔。累加至二等阿達哈哈番。十六年卒。子賽弼圖襲。屢從征伐。身受數創。康熙四十七年。緣事削去

恩詔所加。仍爲拜他喇布勒哈番。尋以戰陣傷發卒。議卹加贈一拖沙喇哈番。令其子長安併襲。

翁什庫巴圖魯。滿洲正黃旗人。姓寧古塔氏。世居綏分地方。崇德四年。從征撒哈連烏喇。擊敵兵於哈嚴村。力戰有功。八年。從貝勒阿巴泰征明。至山東。用雲梯攻滕縣。首先登城克之。

賜名巴圖魯。授牛录章京世職。順治七年。九年。三次恩詔。加至二等阿達哈哈番。

躔玉。滿洲正黃旗人。姓薩克達氏。世居寧古塔地方。崇德四年。以驍騎校。同薩木什喀等。征黑

龍江破敵有功。授牛彖章京世職。孫張保住。康熙十五年。以七品官。從征逆藩吳三桂。至湖廣。破賊萬餘於攸縣河岸。賊復聚。敗卒來犯。又敗之。十七年。與賊眾戰於永興城下。二十年。至雲南破賊。並在事有功。旋從都統希福等。追偽將軍馬寶巴。養元於烏木山。力戰亡於陣。二十五年。議卹。授拖沙喇哈番。以其子四格襲。

尼克什哈。滿洲正黃旗人。初任擺牙喇章京。崇德五年。征明。圍錦州。擊杏山馬兵。尼克什哈同額爾畢赫。衝入敵軍。又擊杏山步兵。先諸軍直

入。手被重傷。七年。圍錦州。有松山兵來奪我紅衣礮。率擺牙喇敗之。復從大兵擊敗明軍門洪承疇兵。尋以督造甲冑。著有功能。順治二年。授牛彖章京世職。七年。九年。三次

恩詔。累加至二等阿達哈哈番。

薩哈連。滿洲正黃旗人。姓精厄禮氏。世居烏喇地方。初任擺牙喇甲喇章京。崇德六年。從大兵圍錦州。同伊爾登擊明軍門洪承疇兵。力戰有功。順治元年。從睿王多爾袞入山海關。隨燾章京圖賴擊敗流賊。二年。議敘。授牛彖章京世職。

那齊哈滿洲正黃旗人。初以章京銜從征。崇德六年。征明圍錦州時。隨梅勒章京董阿里。擊明松山兵。敗之。又與甲喇章京堪楷。擊敗明經畧洪承疇兵。又合兩渾托和兵。敗明松山兵。順治二年。隨英親王阿濟格。征湖廣。大敗流賊一隻。虎於荊州。又與輔國公巴布泰。擊敗一隻虎馬步兵。以功授半個前程。七年。遇

恩詔。加授為拜他喇布勒哈番。

舜古通岱。滿洲正黃旗人。初任甲喇章京。崇德七年。從大兵征明。圍錦州。以本甲喇兵。敗敵有

功。順治元年。從睿王多爾袞。入山海關。敗流賊。追至慶都。三年。議敘。授牛錄章京。世職。

伍達納。滿洲正黃旗人。世居趙家城地方。累官至甲喇章京。崇德七年。冬。從貝勒阿巴泰。征明。至薊州。敗明總兵白騰蛟兵。順治十一年。從寧海大將軍。宜爾德。征浙江。舟山有功。授拖沙喇哈番。

穆納昆。滿洲正黃旗人。崇德八年。從貝勒阿巴泰。征明。過北京。攻冀州城。以第二人登城克之。授半個前程。順治元年。從睿王多爾袞。入山海

八旗通志 卷二百三  
關。敗流賊。加世職爲牛錄章京。其弟莫洛渾。康熙十四年。以牛錄章京。從征察哈爾布爾尼有功。授拖沙喇哈番。

朝長巴圖魯。滿洲正黃旗人。崇德八年。從貝勒阿巴泰。證明。由山東至江南。攻沐陽縣。以第二人登城克之。回師直隸。以雲梯攻順德府。朝長復以第三人登城。亦克之。

賜名巴圖魯。是年敘功。授牛錄章京。世職。兼半個前程。順治元年四月。從睿王多爾袞入關。破流賊。十一月。從豫親王多鐸南征。平定河南。同孫達理

巴圖魯。敗流賊於潼關。三年。從豫親王多鐸。追騰機思。擊土謝圖汗。五年。從征南大將軍譚泰。征江西。叛鎮金聲桓。並在行間有功。十五年。議敘。加一拖沙喇哈番。

科爾堪巴圖魯。滿洲正黃旗人。姓烏雅拉氏。世居薩哈連烏喇之克賽地方。崇德八年。從貝勒阿巴泰。證明。由山東至江南。攻沐陽縣。首先登城克之。

賜號巴圖魯。授牛錄章京。世職。順治元年。從睿王多爾袞入關。敗流寇。追至慶都。又大敗之。二年。論功。



八旗通志 卷二百三  
加半個前程。七年。九年。三次。

恩詔。加至二等阿達哈哈番。

察瑪垓。滿洲正黃旗人。世居完顏地方。以地爲姓。崇德間。任噶布什賢轄。以追流寇戰功。授半個前程。以其兄子羅思漢襲職。順治七年。九年。三遇。

恩詔。加至三等阿達哈哈番。任擺牙喇甲喇章京。康熙元年。從定西大將軍愛星阿征雲南。連敗僞晉王李定國兵。加授二等阿達哈哈番。

圖尤。滿洲正黃旗人。姓顏查氏。世居雅蘭西林地方。國初來歸。尋從征雅蘭西林六次。俘獲八十二人。擊納墨勒殺之。復追擒七人。又同恩古禮。征呼野綏分雅蘭等處有功。授半個前程。順治七年。九年。三遇。

恩詔。加至三等阿達哈哈番。

雅喇。滿洲正黃旗人。初任擺牙喇章京。順治元年四月。從睿王多爾袞入山海關。擊流賊。隨燾章京阿濟格尼堪。破其馬步兵。追至慶都。又敗之。以功授牛錄章京世職。十一月。復從豫親王

八旗通志 卷二百三  
多鐸南征。同布當奇理。屢破流賊。馬步兵於潼關。賊夜擊我營。隨阿濟格。尼堪擊却之。二年五月。攻揚州。用雲梯攻其城。同賴塔等首先登城。有功。六月。隨貝勒博洛移師杭州。聞賊據嘉興。奉令同顧納代轄往剿。遇敵迎戰。敗之。偽秦總兵出城來犯。仍敗之。復敗偽陳總兵於平湖縣。以功加半個前程。三年。從征騰機思。擊喀爾喀土謝圖汗有功。又從征山西。同穆成格。松果。托何索理等。屢破賊蔣會。劉維四於寧武關。七年。九年。三遇。

恩詔。加世職爲一等阿達哈哈番。十一年。從靖南將軍朱瑪喇征廣東。破李定國兵於新會縣山峪內。又敗之於橫州。以功加世職爲三等阿思哈尼哈番。世襲罔替。

墨古。滿洲正黃旗人。姓覺羅氏。世居東尼地方。順治元年。隨征流賊有功。三年。隨揚威大將軍多鐸征騰機思。八年。以撥什庫從平南將軍金礪。敗浙江舟山海寇。授拖沙喇哈番。

甯塔哈。滿洲正黃旗人。順治元年。以包衣牛朶章京。隨睿親王多爾袞。入山海關。擊流寇。同固

八旗通志 卷二百三  
山額真譚泰步戰敗之。追至保定府及慶都縣等處。復連敗其衆。論功。授牛录章京世職。七年。九年。三遇。

恩詔。超加至一等阿達哈哈番。病卒。以兄之子恩克布承襲。

巴達納。滿洲正黃旗人。姓和舍里氏。世居哈達地方。順治元年。以散章京。從睿王多爾袞入關。破流賊。又從豫親王多鐸南征。平定河南。至潼關。隨宜爾德擊敗流賊。又於潼關外擊其步營。敗之。二年。從征福建。同何陀連敗賊兵。五年。從

征江西。叛鎮金聲桓。同達里善。巴圖魯。擊賊有功。又同伊爾克德。擊敗賊將林良兵於中湖村。進征贛州。敗僞兗國公五營兵於信豐縣。敘功。授拖沙喇哈番。九年。二次。

恩詔。加爲拜他喇布勒哈番。兼一拖沙喇哈番。

年青阿。滿洲正黃旗人。姓馬嘉氏。世居莫旦地方。父曰倪雅漢。初任包衣牛录章京。順治二年。追敘舊臣功。以倪雅漢向來効力行間。著有勞績。授牛录章京世職。七年。九年。三次。

恩詔。加至二等阿達哈哈番。年青阿。初任護軍叅領。康

熙三十五年。從征厄魯特噶爾丹。由西路進兵。隨撫遠大將軍費揚古破賊有功。三十六年。授拖沙喇哈番。累官至西安府副都統。聞著其

覺羅托羅科。滿洲正黃旗人。

景祖皇帝第三兄之五世孫也。父名扈鈕。順治四年。推恩宗族。授拖沙喇哈番。七年。九年。三次

恩詔。加為三等阿達哈哈番。康熙四年卒。托羅科襲父職。十九年。從征雲南。二十年二月。敗逆孽吳世璠偽將何繼祖等於黃草壩。三月。擊胡國柄等於雲南城。外破之。七月。隨都統希佛。追偽帥馬

寶。巴養元等。於烏木山。並有功。二十五年。議敘。加世職。為二等阿達哈哈番。

鄂多鼐。滿洲正黃旗人。姓德度勒氏。順治三年。從貝勒博洛。征福建。攻建寧府。奮勇先登。克其城。授半個前程。九年。遇

恩詔。二次。加授拜他喇布勒哈番。兼一拖沙喇哈番。康

熙十三年。從征逆藩吳三桂。由陝西進四川。偽總兵石存禮等。擁眾一萬七千餘。於朝天關。設三十餘營。掘壕拒戰。鄂多鼐。隨前鋒統領穆占。擊敗之。十八年。至蟠龍山。復隨奮威將軍王進

寶敗偽將軍王屏藩。以功加至三等阿達哈哈番。

覺羅勒本德。滿洲正黃旗人。

景祖皇帝第三兄之五世孫也。父曰多鐸里。順治四年。

以

推恩宗族。授半個前程。七年。九年。三次。

恩詔。加至三等阿達哈哈番。康熙六年卒。勒本德襲父職。三十五年。從征厄魯特噶爾丹。由西路進兵。著有助績。加世職爲二等阿達哈哈番。

覺羅巴克山。滿洲正黃旗人。

景祖皇帝第三兄之四世孫也。初授拖沙喇哈哈番。順治

六年。從征湖廣。擊賊偽軍門兵萬餘於銅口堡。湘潭縣。俱有功。七年。九年。三遇

恩詔。加世職至三等阿達哈哈番。旋從征鄂爾多斯。擊

破其弟希特瑪營。盡殲其衆。十二年。從征湖廣。

至常德府。破偽帥馬總兵。奪戰船七十餘艘。師

抵龍陽縣。賊二千餘來犯。欲焚我舟。巴克山同

穆成額率兵擊敗之。十八年。從征雲南。至緬甸。

獲偽桂王。俱在事有功。尋議敘。加世職爲二等

阿達哈哈番。

八旗通志 卷二百三  
華尙滿洲正黃旗人。姓趙嘉氏。世居色欽胡布察地方。其祖滿平阿。率族人來歸。因難爲二等賜姓覺羅氏。順治十一年。華尙以壯尼大。從寧海大將軍宜爾德征浙江舟山。敗僞英毅伯阮思等。以功授拖沙喇哈番。康熙十七年。從征福建。海賊僞帥劉邦仁張宗祿等。率衆萬餘於盤山嶺拒戰。陣方合。兩旁山上賊兵突至。我兩翼兵分隊擊之。自未至申。賊陣堅不動。華尙越衆衝入。衆兵從之。大敗其衆。斬首千級。獲器械無算。又隨都統胡圖破海賊於九龍山及水南地方。賊帥

僞興明伯趙得勝等。引衆四萬。據興化太平山。立十六連營。我軍至茅山。賊來逆戰。華尙引兵縱擊。殺獲甚衆。我軍進至太平山。乘勝力戰。破其連營。陣斬趙得勝。及僞總兵副將以下官員甚衆。獲器械馬匹不計其數。十六年。進取泉州。亦有功。華尙以屢經征戰。身受重傷。事平卒於家。

阿圖。滿洲正黃旗人。世居薩克達地方。以地爲氏。順治十五年。以署分得撥什庫。從征貴州僞桂王。十六年凱旋。至江南。遇海賊鄭成功犯江。

寧阿圖隨梅勒章京噶褚哈同各路官兵擊敗之。又敗之於江岸。又敗之於山巔。敘功。授拖沙喇哈番。

顏珠虎。滿洲正黃旗人。姓納蘭氏。世居葉赫地方。順治十五年。以署壯尼大。從征雲南。與僞晉王李定國戰。破其寨。射死敵人甚多。又於涼水井。雙河口。蘆噶等處。連敗李定國兵六次。俱在行間。以功授拖沙喇哈番。康熙十三年。從征逆藩吳三桂。戰於夷陵。身受數傷。復敗賊於岳州。及宜都縣等處。康熙二十一年。以病乞休。傷發

而卒。次子滿泰襲世職。長子拜珠虎。康熙十九年。以委署驍騎校。從征南大將軍賴塔。征雲南逆孽吳世璠。由廣西奪石門坎。克黃草壩。進至雲南。並在事有功。亦授拖沙喇哈番。

穆成格。滿洲正黃旗人。姓納蘭氏。世居葉赫地方。初任分得撥什庫。順治十五年。隨信郡王多尼征僞桂王。與夸蘭大虎什巴擊敗賊兵二千餘於荊州。十六年。師旋至江南。值海賊鄭成功陷鎮江瓜州。直攻江寧。穆成格隨梅勒章京噶褚哈。協同本地官兵擊敗之。論功。授拖沙喇哈

八旗通志 卷二百三  
番。

何爾退滿洲正黃旗人。順治十五年。以委署擺牙喇章京。從征雲貴。敗僞侯李成蛟於涼水井。又敗僞晉王李定國兵於雙河口。進戰於蘆噶地方。又連破之。並在事有功。十八年。議敘。授拖沙喇哈番。康熙十四年八月。從征逆藩吳三桂。至陝西。賊於滴水崖山上立寨拒戰。何爾退隨振武將軍佛尼勒敗之。又敗之於平嶺。賊復於棧道仰天池高山之巔拒戰。仍隨佛尼勒敗之。賊將石存禮等。由四川率賊七千。與裸兵五百。

出棧道益門鎮口。列七大營於西山拒敵。何爾退隨副都統鄂泰敗之。復敗之於仰天池山下。十五年六月。隨撫遠大將軍圖海。敗賊帥王繼正於平涼城北虎山墩。又敗賊王緒於桃川牙。並在事有功。二十五年。議敘。授拜他喇布勒哈番。

穆里。滿洲正黃旗人。康熙十三年。以佐領從征逆藩吳三桂。由陝西進四川。三月。隨前鋒統領穆占等。破賊於陽平關。五月。破七盤關口。賊將石存禮於朝天關。率衆萬有七千。斷隘口。修木。



城埋藥礮於山下。樹兩重寨。連營三十餘。仍隨前鋒統領穆占等擊破之。十四年正月。賊將王屏藩等。於蟠龍山率四萬眾來戰。右翼賊復舍舟上岸。夾擊我師。穆里隨眾力戰。連敗之。又破賊於娘娘廟。張飛廟。槐樹驛等地方。前鋒至小梅嶺。賊斷路立寨。復敗之。又破之於龍潭驛。西山。穆里並在行間。尋以病卒於軍。十七年議敘。贈拜他喇布勒哈番。以其孫伊世泰襲。

巴明。滿洲正黃旗人。姓巴岳特氏。世居克爾偏地方。康熙十三年。以委署獲軍校。從征逆藩耿

精忠至浙江。十五年進福建。平定耿逆。二十年。從征雲南逆孽吳世璠。奪石門坎。黃草壩。隨三路大兵平定雲南。並在行間有功。授拖沙喇哈番。

覺羅弼雅祿。滿洲正黃旗人。

景祖皇帝第三兄之四世孫也。康熙十三年。以七品官

從征逆藩耿精忠至江西。隨安親王岳樂破賊於建昌。復破其援兵。及城內賊五千餘眾。又敗賊於許灣。賊將有蔡德者。來犯進賢縣。隨侍郎舒恕擊敗之。十五年。從安南將軍舒恕征廣東。

八旗通志 卷二百三  
敗叛鎮嚴自明三萬衆於馬甸。又敗之於南康縣。十九年。從都統希佛等敗逆孽吳世璠賊兵於陶屯。二十年。從征南大將軍賴塔奪石門坎。破黃草壩。平定雲南。並在行間有功。二十五年。議敘。授拜他喇布勒哈番。

巴布連。滿洲正黃旗人。康熙十三年。以護軍叅領。從定南將軍希爾根。征逆藩耿精忠。至江西。連敗賊兵於建昌城下。又破賊將楊三等於撫州。千金陂。十四年。隨護軍統領桑額。擊賊將朱一典於會浦。敗之。又擊敗新昌縣北山賊。十五

年。從定南將軍希爾根。敗賊帥邵連。登八萬衆於長興。又敗賊三千餘於界牌舖北山。又破賊於沉香山。來龍山。俱在事有功。二十五年。議敘。授拖沙喇哈番。

阿薩里。滿洲正黃旗人。姓和舍里氏。世居哈達葉赫地方。康熙十四年。從撫遠大將軍信郡王鄂札。征察哈爾布爾尼。平之。十七年。從征逆藩吳三桂。至四川。擊叛鎮譚洪。破其將陳二於楊井。二十五年。議敘。授拖沙喇哈番。

婁德。滿洲正黃旗人。康熙二十三年。以佐領。從征

逆藩吳三桂。由陝西進四川。前鋒統領穆占。擊賊將石存禮於朝天關。敗之。復敗盤龍山賊將王屏藩等。又敗賊將李世英於河陽縣。十四年。隨副都統鄂泰破賊於鳳凰山益門鎮等地。方並在行間有功。二十五年。議敘。授拖沙喇哈番。

海都。滿洲正黃旗人。姓查特黑氏。世居鄂莫和索黑地方。康熙十三年。以委署護軍校。從征逆藩吳三桂。由陝西進四川。與賊戰於龍潭驛西山。連敗之。復敗賊於小梅嶺。賊兵列挨牌鹿

角鎗礮來圍我營。海都隨振武將軍佛尼勒奮擊大敗之。師次秦州。有賊萬餘自四川平涼來援。城中賊八千餘。復自內突出。海都仍隨佛尼勒破之。十五年。隨撫遠大將軍圖海攻平涼。敗賊帥王繼正等。復敗之於城北虎山墩。十六年。進征四川。破雲陽賊陳二等。又破其二營於城東北山。俱在事有功。康熙三十五年。從征厄魯特噶爾丹。隨撫遠大將軍畢揚古。至昭莫多地。方擊賊衆大破之。四十五年。議敘。授拜他喇布勒哈番。

英格勒滿洲正黃旗人。康熙二十二年。以驍騎校。從征逆藩耿精忠。至江西建昌府。破賊帥黃浩。又破鄱陽湖賊。追之距康山三十里。賊來拒戰。復擊敗之。十四年。從安親王岳樂。破賊帥邵連。登於長興。十五年二月。吳逆賊將夏國相等於萍鄉東來龍山立營拒戰。英格勒隨安親王岳樂進擊敗之。以功授拖沙喇哈番。同旗有奇泰者。亦於康熙十三年。以署驍騎校。從征逆藩耿精忠至江西。十四年。隨安親王岳樂。破賊帥邵連。登於建昌府長興地方。十五年。又隨安親王

岳樂。擊逆藩吳三桂偽帥夏國相於袁州萍鄉縣來龍山。拔其營。並在事有功。二十五年。議敘。授拖沙喇哈番。

海布祿。滿洲正黃旗人。姓格濟勒氏。世居綏分地方。康熙十九年。以委署護軍校。從征逆孽吳世璠至廣西。隨都統希佛等。破賊將范齊韓詹仰等衆於賓州之陶屯。二十年二月。從征南大將軍賴塔。破吳逆賊衆。守門坎。黃草壩。平定雲南。並在行間有功。二十一年。授拖沙喇哈番。覺羅薩賴。滿洲正黃旗人。二十五年。以七品

官從征陝西叛提王輔臣。城內出獐獐五百來戰。隨貝勒董額擊之。有賊自四川來援。又連敗之。十五年。隨撫遠大將軍圖海。連破賊帥王繼正。蔡元等於平涼。奪虎山墩。又擊賊將陳君極於南山。並在行間有功。二十五年。議敘。授拖沙喇哈番。

馬爾杜艾圖。滿洲正黃旗人。康熙十五年。以護軍校。從征陝西叛提王輔臣。隨撫遠大將軍圖海。敗賊將王繼正於平涼城北。奪虎山墩。十六年。從征南將軍穆占。征逆藩吳三桂。敗賊將馬

寶胡國柱於湖廣永興縣。十九年。從都統希佛征逆孽吳世璠。至廣西。敗賊將范齊韓等於陶屯。二十年。從征南大將軍賴塔。破吳逆賊將何繼祖等於黃草壩。平定雲南。並在行間有功。二十五年。議敘。授拜他喇布勒哈番。同旗有達理瑚者。亦於康熙十四年。以委署護軍校。從征察哈爾布爾尼。十五年。從撫遠大將軍圖海。征陝西。擊敗賊將王繼正等。以功。為總兵。陳君極於益門鎮西。並在事有功。二十五年。議敘。授拖沙喇哈番。

馬虎滿洲正黃旗人。姓覺。世居鄂莫灰河鄂多里地方。康熙十五年。委署護軍校。從征逆藩耿精忠。至江西蓮花。敗賊於馬鞍山。又敗賊將吳含興等於石坪。十六年。從征逆藩吳三桂。進廣東。從安南將軍覺羅舒恕。敗偽提督顏子明。將軍張郭年於南康縣。十七年。至廣東韶州府。隨鎮南將軍莽依圖等。敗賊帥馬寶於城東山上。又敗之於樹梓墟。十九年。隨都統希佛等。敗賊於廣西陶屯。二十年。隨征南大將軍賴塔。敗賊將何繼祖於石門坎。又敗之於黃草拖沙喇哈番。

索丹滿洲正黃旗人。姓納喇氏。原籍哈達地方。順治十五年。以前鋒章京。征雲南。敗賊帥李成蛟兵於涼水井。又敗偽晉王李定國於雙河口。蒲平山等處。乘勝追至橋邊。遂奪其橋。再戰於磨盤山。並在事有功。授地喇哈番。尋卒。追贈拜他喇布勒哈番。

賽色滿洲正黃旗人。康熙

年。以署護軍校。

從征福建海寇。敗賊兵於。橋。復連破之於  
郭塘山。又隨寧海將軍喇。達於流山寨等處。  
屢擊賊帥劉國軒等衆。於十九年。從征雲南  
逆孽吳世璠。奪黃草壩。平定雲南。並隨征南大  
將軍賴塔進戰有功。二十五年。議敘。授拖沙喇  
哈番。同旗有金布。亦於康熙十九年。以委署護  
軍校。從征逆孽吳世璠。至廣西。擊賊將范齊韓  
等。敗之。進征雲南。敗賊將何繼祖等。奪石門坎  
黃草壩。又隨三路大兵。敗賊胡國秉等於雲南  
城外。以功授拖沙喇哈番。

官保滿洲正黃旗人。康熙二十年。以護軍校。從  
征雲南逆孽吳世璠。隨征南大將軍賴塔。奪石  
門坎。黃草壩。平定雲南。並在行間。二十五年。敘  
功。授拖沙喇哈番。三十五年。從大兵征厄魯特  
噶爾丹。由西路進兵。又有功。加授拜他喇布勒  
哈番。同旗有額爾都者。亦於康熙二十年。以七  
品官。從征雲南逆孽吳世璠。奪石門坎。破黃草  
壩。平定雲南。復隨都統。希佛。等。追偽帥馬寶巴  
養元於烏木山。並在事。有。授拜他喇布勒哈  
番。三十五年。從征厄魯特。於昭莫多擊

賊有功。加一拖沙喇哈番。

羅奇滿洲正黃旗人。姓烏氏。世居牟旦地方。

崇德八年。從貝勒阿巴泰征明。至山東。以攻濟

南功。授半個前程。世職。同旗有雅穆布者。姓吳

札拉氏。世居黑龍江。亦以崇德八年。從貝勒阿

巴泰征明。攻薊州。登城功。授二等阿達哈哈番。

同事有海音布。巴圖魯者。亦以從攻薊州。第三

人登城克之。

賜名巴圖魯。授牛錄章京世職。順治七年。九年。三遇

恩詔。加至二等阿達哈哈番。同旗有吳爾佳齊者。姓那

蘭氏。世居葉赫地方。崇德三年。從貝勒杜度征

明。至山東。攻滕縣。以第二人登城克之。授甲喇

章京世職。仕至

孝陵噶喇大有。杭舒者。姓燕札氏。世居雅蘭地方。崇德

三年。從征明。攻樂城縣。不用雲梯。奮勇先登。遂

克其城。四年。論功。授半個前程。順治七年。九年。

三遇

恩詔。加至三等阿達哈哈番。又有其褚者。世居寧古塔

地方。以地為氏。初以章京。從征山東。攻鹽山

縣。以登城功。授半個前程。



祈薩穆滿洲正黃旗人。世居薩哈連烏喇地方。康熙三十五年。前鋒護衛從

聖祖仁皇帝征噶爾丹。由中路進兵。已近賊營。未審消息。祈薩穆奉

命往探。具得其狀。

聖祖嘉之。優授拜他喇布勒哈番。同旗有瓦爾達者。任護軍統領。康熙三十五年。同撫遠大將軍費揚古征厄魯特噶爾丹。由西路進兵。破賊於昭莫多地方。三十六年。議敘。授拖沙喇哈番。又有秦穆巴特噶巴爾漢輝章阿穆克西特輝寶俱以

征噶爾丹功。授拖沙喇哈番。又有雙寶者。任護軍校。康熙五十九年。隨貝勒延信取招安喇藏有功。亦授拖沙喇哈番。

鼐珊滿洲正黃旗人。姓瓜爾佳氏。世居蘇完地方。康熙十九年。以二等侍衛從征南大將軍賴塔。征逆孽吳世璠。由廣西進兵。二十年。奪石門坎。破黃草壩。進克雲南城。又隨都統希佛追賊將馬寶巴養元於烏木山。並在行間有功。二十五年。議敘。授拜他喇布勒哈番。同旗有覺羅德布囊桑拜三。並以是役在。功。授拜他喇布

勤哈番。又有夏思泰。常明色。誠僧成羅啟。亦以是役在事有功。授拖沙刺哈番。

雅賴。滿洲正黃旗人。姓覺羅氏。世居覺爾察地方。原係牛录章京世職。緣事革退。尋與薩穆什哈。霸奇蘭。同征黑龍江有功。天聰九年議敘。復其世職。順治七年。九年。三遇。

恩詔。加至二等阿達哈哈番。同旗有札易薩者。姓隨佳氏。世居界凡地方。

國初奉

太祖命。統四十人往畧明地。攻臺斬敵有功。癸丑年。授

備禦世職。又有董得貴者。初任牛录章京。順治元年。隨睿王多爾袞進山海關。與固山額真譚泰敗流賊。以功授牛录章京世職。七年。九年。三遇。

恩詔。加至二等阿達哈哈番。又有寧古塔者。姓何舍里氏。世居舍金哈達地方。初任包衣牛录章京。亦以山海關破流賊功。授牛录章京世職。覺羅布納岱。滿洲正黃旗。

景祖皇帝第三兄之三世孫也。順治四年。以推恩宗族。授半個前程。七年。九年。三遇。

恩詔。加至三等阿達哈哈番。十一年。靖南將軍朱瑪喇征廣東。擊敗僞安西王李定國於新會縣左山。復敗其餘衆於山峪。十三年敘功。加世職爲二等阿達哈哈番。又有朔世地者。姓漢氏。世居朝鮮義州。以署驍騎校。從征福建海寇有功。授拖沙喇哈番。又有納秦者。以侍衛。從征浙閩。屢敗賊首楊祿王宗仁等兵。以功授拖沙喇哈番。又有胡錫布者。姓覺羅氏。世居葉赫地方。順治二年。從豫親王多鐸破流寇。平定河南。至南京。攻江寧府。先衆奪門入。克其城。以功授半個前程。七年。九年。二遇恩詔。加至三等阿達哈哈番。

都爾巴。滿洲正黃旗人。姓完顏氏。父英格。於國初自完顏地方來歸。授牛錄章京。世職。都爾巴初襲父職。尋以軍功。加授二等阿達哈哈番。同旗有額僧特者。姓瓜爾佳氏。世居輝發地方。從征九次。俱有功。身中四傷。以傷發卒。授拖沙喇哈番。以其子張構襲。又有覺羅塞克森。覺羅恭額。俱以軍功。授阿達哈哈番。又有馬陵格。色楞愛圖。殷達虎。俱以軍功。授拜他喇布勒哈番。有

惠蘭者。以軍功授拖沙喇哈番。有莫譚者。以修  
建

昭陵功。

特恩准與軍功同等。授半個前程。世職。順治七年。九年。

三遇

恩詔。加至拜他喇布勒哈番。兼一拖沙喇哈番。

禪出。滿洲正黃旗人。姓薩克達氏。世居寧古塔  
地方。

國初。以分得撥什庫。從征烏喇。駐哈彥村。多所俘  
獲。其主帥博木博果爾。親領兵來戰。禪出身中

九傷。盡力堵禦。終不失所守。以功授備禦。世職。  
同旗有黑默里者。姓格濟勒氏。世居綏分地方。  
天聰八年。以辦事有能。授半個前程。九年。同吳  
巴海。荆古爾岱。征阿庫爾尼滿地方有功。授牛  
彙章京。世職。順治七年。九年。三遇

恩詔。加至二等阿達哈哈番。又有索圖者。姓燕札氏。雅  
林地方人也。因往征遂分。雅林。呼札等處。俱有  
功。授半個前程。順治七年。九年。三遇

恩詔。加至二等阿達哈哈番。又有拉哈禮者。姓覺羅氏。  
世居訥音地方。由驍騎校。於康熙十四年。征察

哈爾布爾尼有功。授拖沙喇哈番。有吳賽者。姓潤德氏。以郎中兼佐領。亦以征察哈爾功。授拖沙喇哈番。

八旗通志初集卷之二百四

勲臣傳四

正白旗滿洲世職官上

滿都護 伊爾奈多爾進

尤德赫

噶爾珠 子嘉秦孫寨山

雅布哈 額黑鄧

尼刊巴圖魯 額黑諾

噶卜喇 兄之子宜布沙 孫達穆圖 賓畢

克徹尼 子額克什諾 族孫福依寶

隨菴 子俄爾博 孫邁圖

圖爾賽 奇木納

胡什納

布庫 子察哈達

噶布喇巴圖魯 弟嘉龍阿

都達海

布當奇理

尼堪 賈努哈

賽達 三德布巴圖魯

堪泰 子魏和訥

卓內

董鄂樂

察翰

戴玕

湯古善 達爾漢

阿玉璽

孫都爾庫

穆福

薩克察巴圖魯

俄爾離巴圖魯

納和布

杜什巴 穆成格

俄布根

哈邇堪

發爾那

海達

殷泰

俄內

碩色

滿都護滿洲正白旗人。初委署牛彖章京。天命四年。從大兵征明。取撫順。攻連島灣寨堡。先登克之。又奮勇先登。克鐵嶺城。天聰九年。隨荆古爾達吳巴海等。征阿庫里尼滿。効力行間。以功授半個前程。崇德六年三月。從鄭親王濟爾哈朗征明。圍錦州。擊敗松山敵兵。八年十二月。隨梅勒章京鄂羅塞臣等。征撒哈連烏喇。擊奔波果兒兵。同葉格書敗之。俘獲丁壯四十四人。順治元年。從睿王多爾袞入山海關。敗流賊。二年。敘功。加世職爲牛彖章京。七年九年。三遇

恩詔。加至一等阿達哈哈番。同旗有伊爾奈者。世居長白山地方。姓費莫氏。以征瓦爾喀功。授拖沙喇哈番。後征山東濟南府。率本甲喇兵擊敗之。得其城。敘績。加至拜他喇布勒哈番。病故。子薩希布襲。又有多爾進者。世居德鄰地方。姓瓜爾佳氏。隨大兵征皮島有功。授為拜他喇布勒哈番。尤德赫。滿洲正白旗人。姓格濟勒氏。世居雅蘭地方。我兵往往征之。其妻子被擒。遂抒誠來歸。復引導大兵征西林部落。俘獲甚眾。有湯糾翁俄純者逃叛。設計誘回殺之。又出征一次。取四村。

尋奉

命往雅蘭招其兄弟。其兄弟堅執不來。尤德赫奔回。同

去者四人。俱被其黨追殺。因率兵前往。斬其抗拒之人。攜順從者而歸。以功授備禦世職。天命六年。從大兵征遼東克之。加世職為二等叅將。噶爾珠。滿洲正白旗人。初任駐防喇發地方小撥什庫。隨車爾格征阿庫里。効力行間。有波木博者。自瀋陽逃走。追斬之。明兵侵輝發地方。噶爾珠奮勇衝入。敗之。有他克都者。自瀋陽逃走。又追殺之。復同孟阿圖征虎野有功。天聰九年。



隨吳巴海。荆古爾達。征阿庫里尼滿部落。收其壯丁。敘功。授半個前程。卒。子嘉秦承襲。順治七年九年。三遇

恩詔。加至三等阿達哈哈番。十一年。從靖南將軍朱瑪

喇。征廣東。擊偽安西王李定國。於新會縣左邊山上。大敗之。又敗其步卒四萬於山峪內。並行間有功。尋議敘。加世職為二等阿達哈哈番。寨山。嘉秦之子也。初襲二等阿達哈哈番。世職。順治十四年。從定遠大將軍世子濟度。征海寇鄭成功。至福建廈門。遇成功於蓋寺山前拒戰。

寨山力戰陣亡。康熙二年。議卹。加贈為一等阿達哈哈番。以其子阿爾法承襲。人歸一平韻大雅布哈。滿洲正白旗人。姓巴牙拉氏。世居木蘭地方。

國初。攜親屬丁壯百人來歸。一平韻大雅布哈

太祖高皇帝嘉其慕義。授為備禦。崇德五年。隨大兵圍

錦州。擊杏山馬兵。及松山步兵。並敗之。八年。從

貝勒阿巴泰。征明。過北京。渾河。擊敗范軍門馬

兵一千。明八總兵來戰。敗之。又有三總兵接戰。

隨八固山兵。同破其眾。明趙軍門兵犯我鑲藍

八旗通志 卷二百四  
旗汎地。雅布哈往援。擊走之。至山東。攻齊東縣。用雲梯拔其城。以功授半個前程。順治七年九年。三遇。

恩詔。加至三等阿達哈哈番。額黑鄧雅布哈兄之子也。

順治元年。以委署擺牙喇甲喇章京。隨睿王多爾袞入山海關。擊走流賊。二年敘功。授半個前程。

尼刊巴圖魯。滿洲正白旗人。

國初。自烏喇瓜兒察率七戶來歸。天聰三年。隨大兵征明。攻永平府。先登克其城。八年。從征烏喇。

勦六村。殺其丁壯四十九人。俘獲人口百一十七。馬五十三。牛二十。又同席特庫往卓濃城。跟尋敵踪。遇敵兵百人。擊敗之。斬七人。獲馬十六匹。生擒蒙古一人。是年敘前功。授為三等甲喇章京世職。

賜名巴圖魯。駐防阿里哈城。以殺虎被傷卒。額黑諾尼刊兄之子。初襲尼刊三等甲喇章京世職。順治七年。遇。

恩詔。加為二等阿達哈哈番。十五年。從信郡王多尼。征偽桂王至貴州。十六年。自貴州凱旋。由大江東。

八旗通志 卷二百四  
下。至江南。遇海賊鄭成功等。陷鎮江瓜州。進逼江寧。遂協同本地官兵。敗賊三萬餘衆。賊以十萬人布陣山上。復擊走之。十八年。從征東將軍季什哈。勦山東土寇。賊首蔣振綱。率衆千餘據山嶺逆戰。隨大兵擊破之。康熙三年。敘功。加授爲一等阿達哈哈番。

噶卜喇。滿洲正白旗人。姓查庫他氏。世居薩楚庫地方。初以軍功得授世職。緣事革退。後同薩穆什喀。霸奇蘭。征撒哈連烏喇有功。仍授牛彖章京世職。崇德四年。復同曹海薩穆什喀。征撒

哈連烏喇。途中病卒。宜布沙者。噶卜喇兄之子也。初以白身管牛彖章京事。順治元年。從定國大將軍豫親王多鐸。南征。破流賊。追至潼關。賊兵三次來犯。並率本甲喇兵擊敗之。三年。復從豫親王多鐸。往追騰機思。擊喀爾喀土謝圖汗兵敗之。五年。從征南大將軍譚泰。征江西叛鎮金聲桓。攻克南昌府。七年。九年。三遇

恩詔。得授拜他喇布勒哈番。十五年。從征雲南。至盧噶地方。擊敗僞晉王李定國。並在事有功。十八年。敘功。由拜他喇布勒哈番。加爲三等阿達哈哈

番病故第五子華善襲。達穆圖噶卜喇兒之孫。宜布沙之長子也。初襲伊叔祖噶卜喇牛录章京世職。崇德八年。從貝勒阿巴泰征明。入邊日。擊明馬總兵。敗之。明趙軍門以馬步兵來犯。鑲藍旗汛守。達穆圖率兵協擊。敗其衆。至山東。攻平度州。率本甲喇兵以雲梯克其城。凱旋議敘。加半個前程。順治元年四月。從睿王多爾袞入山海關。擊流賊馬步兵。同甲喇章京車克敗之。五月。隨固山額真葉臣往平山西。取太原府。城內兵迎戰。同薩弼圖擊敗之。克其城。進至延安。

府。流賊來戰。達穆圖奮擊。同梅勒章京阿拉善破流賊第一營。又同薩弼圖破賊第二營。旋往尋賊踪跡。遇賊馬步兵來拒。同蘇拜擊敗之。又同梅勒章京宗室吳達海往尋賊踪。遇賊余總兵。復擊敗之。三年。議敘前功。加世職爲三等阿達哈哈番。七年九年。三遇

恩詔。加至一等阿達哈哈番。兼一拖沙喇哈番。賓畢達

穆圖之弟也。初襲一等阿達哈哈番。兼一拖沙喇哈番。任甲喇章京。康熙十三年。隨定南將軍希爾根。平寇將軍哈爾哈齊等。征逆藩耿精忠。

至江西。與賊兵戰於建昌石碓地方陣亡。又卹贈一拖沙喇哈番。

克徹尼滿洲正白旗人。庫雅拉氏。世居興阿村地方。

國初首先來歸。導引我兵收服灰部。獲人丁七戶。又遣往。復獲人丁六十戶。又遣往額黑庫倫。獲人丁三戶。又獲人丁三百戶。安插水峰而回。再遣往。時三處村人不服。攻克之。以功授備禦世職。又率兵往獲額黑庫倫部屬。引路征奇牢部。及阿庫里尼滿。並獲其部屬而回。因素諳路徑。

所往有功。遂加世職為三等甲喇章京。後又以追獲阿達海。加為一等甲喇章京。順治五年卒。子額格什諾。崇德八年。從貝勒阿巴泰征明。至密雲縣。敵兵馬步橫截我師。額格什諾率每牛象甲士一人敗之。出邊時。明吳總兵范軍門率馬步兵來追。復擊敗之。至山東攻新城縣。率兵豎雲梯。攻克其城。以功授半個前程。順治五年。併襲其父一等阿達哈哈番。七年九年。三遇

恩詔。加至一等阿思哈尼哈番。又其族孫名福依寶者。

初任牛象章京。順治十四年。從定遠大將軍世

子濟度。征福建海賊鄭成功。敗賊船六百餘於廈門之澄浦嶼。在事有功。康熙十五年。隨征陝西叛鎮王輔臣。至秦州。城內賊兵拒戰。又有賊援兵來夾攻我師。福依寶力戰陣亡。十六年。卹贈拖沙喇哈番。以其子德勒慎承襲。

隨蓀滿洲正白旗人。世居瓜兒察地方。

國初。大兵往征其地。隨蓀率先歸順。授半個前程。崇德三年。從睿王多爾袞征明。至山東攻任邱縣。同宜爾鼐布庫挖陷城墻克之。四年敘功。加授牛彖章京世職。俄爾博。隨蓀子也。初襲父牛

彖章京世職。崇德六年六月。隨大兵征明圍錦州。攻其關廂兵。敗之。又擊敗明松山馬兵。順治元年。隨睿王多爾袞入山海關。同梅勒章京星內。擊走流賊。加半個前程。七年九年。三遇

恩詔。加至一等阿達哈哈番。邁圖。俄爾博兄之孫。初襲

俄爾博之拜他喇布勒哈番。又一拖沙喇哈番。世職。康熙六十年。隨大兵收復西藏。冒瘴癘深入。奮勇克敵。雍正二年敘功。加世職爲三等阿達哈哈番。

圖爾賽。滿洲正白旗人。

國初以委署噶布什賢章京。隨噶喇昂邦努山征明。至遮嶺口。同羅什護理布率四十人前驅。遇敵兵擊敗之。獲馬二十九匹。順治元年。隨睿王多爾袞破流賊偽總兵唐通於一片石地方。追至安肅縣。斬殺甚衆。復統噶布什賢兵追賊至慶都敗之。又從固山額真譚泰追殺流賊步兵。順治二年敘功。授半個前程。同旗有奇木納者。姓托科羅氏。世居喀木屯地方。累世勤謹。供應差役。後復率四十一戶一百五十八人。移至寧古塔烏喇。隨滿洲兵一同効力有功。因授半個

前程世職。康熙十七年卒。

胡什納滿洲正白旗人。初任壯尼大。天聰四年。從大兵征明。攻鵬鶚城。奮勇先登克之。授半個前程世職。崇德三年。從奉命大將軍睿王多爾袞征明。過北京。至通州河遇敵。同鄂碩敗之。又率擺牙喇擊敗明馮太監兵。明太監高起潛率兵來尾我土墨特蒙古之後。復同鄂碩噶賴逆擊。敗其兵二隊。進攻南宮縣。用雲梯先登克其城。五年。隨鄭親王濟爾哈朗征明。圍錦州。刈其田禾。城內兵出戰。當先殺入敵陣。直抵城濠。又

破明杏山馬兵。敗錦州及松山步卒。明杏山馬兵來戰。復擊敗之。又與宜爾德、蘇拜伏兵渡河。誘敵至。返擊破之。圖爾格、葉克舒遇敵截戰。胡什納率兵自右衝入。協力攻之。大敗其衆。以功加世職爲牛彖章京。任兵部理事官。八年。從征明寧遠。敵兵自城內出戰。敗之。順治元年十一月。從英親王阿濟格征流賊。賊兵守黃河渡口。同固山額真墨勒根轄破之。二年。至陝西。駐營延安府城外。胡什納守夜。偵知賊兵出城來犯。同衆將擊敗之。次日復來犯。我輜重。同阿蘭橫

截殺入。賊遁走。胡什納率五十人看守臺站。賊首一隻虎來犯。連敗之。旋自延安府往外秣馬。賊兵七百來奪馬。又擊敗之。又同固山額真巴哈納擊流賊於潼關。破其二營。率兵至九公山。跟尋賊踪。敗僞王副將馬步兵三千。三年敘功。加半個前程。以兵部理事官。五年考滿稱職。加世職爲三等阿達哈哈番。七年九年。三遇恩詔。加至一等阿達哈哈番。又一拖沙喇哈番。

布庫滿洲正白旗人。姓民覺羅氏。世居胡訥赫地方。其父胡密色事。



太祖高皇帝時。有賈海虎色者謀逆。遣滾布魯持鳩藥來獻。胡密色探知。飛馬馳奏。謀乃不行。天聰八年。追敘其功。授其長子莫邇泰牛錄章京世職。以老休致。布庫始襲父職。崇德三年。征明。從貝勒岳託。過北京。攻任邱縣。同宜爾鼐隨。蓀挖顏其城克之。四年。議敘。加半個前程。順治七年。

恩詔。加爲三等阿達哈哈番。卒。子察哈達承襲。察哈達布庫次子。其兄穆臣有病。因襲父三等阿達哈哈番世職。順治十一年。隨靖南將軍朱瑪喇。征僞桂王至廣東。擊僞晉王李定國於新會縣左。

邊山上破之。又於山谷內敗賊四萬餘衆。十三年。以功加世職爲二等阿達哈哈番。後其兄病愈。將父之三等阿達哈哈番。仍讓與穆臣承襲。察哈達止留其本身所得之拖沙喇哈番。

噶布喇巴圖魯。滿洲正白旗人。姓瓜爾佳氏。世居松阿里地方。崇德三年。隨睿王多爾袞。征明。攻山東邱縣。以第二人登城克之。八年。隨貝勒阿巴泰。征明。至山東。用雲梯攻樂安縣。奮勇先登。克其城。

賜名巴圖魯。授牛錄章京世職。順治元年。隨睿王多爾

八旗通志 卷二百四  
三  
袞入山海關。同甲喇章京鄂碩擊敗流賊。敘功。加半個前程。嘉龍阿者。噶布喇之弟也。初以征黑龍江功。授半個前程。順治二年。在延安府擊流賊。嘉龍阿殿後。身中十二創。力戰陣亡。優贈世職。爲三等阿達哈哈番。

都達海。滿洲正白旗人。姓托和洛氏。世居烏喇鄂要地方。初任壯尼大。崇德三年。隨貝勒杜度。證明。至山東攻濟陽縣城。不用雲梯。以第二人登城克之。順治元年十一月。隨豫親王多鐸南征。追流賊至潼關。敗之。二年。隨貝勒博洛征浙

江。至杭州。破僞苗總兵王總兵。旋往餘杭。遇余道士兵。同偏俄擊敗之。又敗僞陳軍門之兵於平湖縣。獲船十三隻。三年。從豫親王多鐸追騰機思。破喀爾喀土謝圖汗及碩雷汗兵。四年。敘功。授半個前程。五年卒。

布當奇理。滿洲正白旗人。姓納拉氏。世居葉赫地方。初任擺牙喇甲喇章京。崇德三年。從貝勒杜度。證明。過北京出邊。率甲士二十人。駐立山岡。明兵來犯。奮擊退之。五年。隨大兵證明。圍錦州。擊杏山馬兵。六年三月。圍錦州。破松山步兵。

皆先登破敵。明兵犯我後隊。又擊敗之。八年。從貝勒阿巴泰征明。至三河縣。擊其馬步兵於渾河岸。順治元年十一月。隨豫親王多鐸南征。追破流賊於潼關。復從固山額真圖賴。敗賊兵一隊。賊兵夜劫我營。率擺牙喇擊退之。進取潼關。先登克其城。二年五月。至揚州府。用紅衣礮攻城。城破。同賴塔雅喇圖納奮勇先登拔之。三年。敘功。授牛錄章京世職。

尼堪滿洲正白旗人。姓扎思胡禮氏。世居和倫地方。崇德三年。從貝勒杜度征明。用雲梯攻武邑縣。繼卓內登城克之。四年。授半個前程。順治七年九月。三遇

恩詔。加至三等阿達哈哈番。旋因得罪。削一拖沙喇哈

番。順治十五年。從征偽桂王至盧噶地方。遇偽晉王李定國等。統眾一萬七千拒戰。隨信郡王多尼大兵。以步戰進擊。連敗之。尋病卒於軍。康熙七年。敘功。仍加贈為三等阿達哈哈番。同旗有賈努哈者。崇德三年。亦隨貝勒杜度征明。用雲梯攻寧津縣。繼布代後。以第二人登城。克其城。四年。授半個前程。順治七年九月。三遇

八旗通志 卷二百四  
恩詔。加至三等阿達哈哈番。

賽達。滿洲正白旗人。崇德三年。以委署兵部理事官。從睿王多爾袞征明。至山東。擊敗敵兵於青山口。六年六月。隨鄭親王濟爾哈朗征明。圍錦州。破明經畧洪承疇步兵三營。順治元年。同大軍擊敗流賊於山海關。六月。隨固山額真葉臣往平山西。攻太原。同科爾坤敗其城內出戰兵。二年。隨英親王阿濟格追流寇。自鳳翔前進。猝遇賊兵逆戰。擊敗之。三年。敘功。授半個前程。同旗有三德巴圖魯布者。崇德三年。隨睿王多

爾袞征明。至山東。攻夏津縣。奮勇先登。克其城。賜巴圖魯號。授牛錄章京。順治七年

恩詔。加一拖沙喇哈番。卒。子色勒承襲。

堪泰。滿洲正白旗人。崇德四年。從征薩哈連烏喇時。同蘇爾都埋伏於社城村。敵兵至。斬六十人。又擊奔波果爾兵破之。生擒二十五人。五年。從征明。圍錦州。隨左翼兵擊敗錦州兵。明松山步兵來援。又破之。併敗明杏山馬兵。六年六月。復圍錦州。隨兩翼兵合擊明松山馬兵。敗之。敵兵來犯我鑲黃旗汛地。往援。擊走其衆。八年。隨

貝勒阿巴泰。征明。敗敵於渾河岸。出邊時。敵人來犯我步軍營。堪泰回擊敗之。順治元年。隨睿王多爾袞入山海關。破流賊。復敗之於慶都縣。敘功。授牛錄章京。世職。七年九年。三遇

恩詔。加至二等阿達哈哈番。卒。其子魏和訥襲之。康熙三十五年。從征厄魯特噶爾丹。隨撫遠大將軍伯費揚古。由西路進兵。破賊於昭莫多地方。敘功。加世職爲一等阿達哈哈番。

卓內。滿洲正白旗人。初任壯尼大。崇德五年。從征明。於塔山北。攻克四臺。隨大兵圍錦州。同羅什擊杏山馬兵。敗之。六年六月。再圍錦州。擊松山馬兵。八月。隨燾章京蘇拜步戰。破明經畧洪承疇步卒三營。八年。隨貝勒阿巴泰。征明。入邊時。敗明馬總兵。過密雲。有明兵三千截路。乘勝擊走之。又有范軍門吳總兵來拒戰。敗其馬步兵。至山東膠州城外。敗敵兵一千。進攻樂安縣。卓內領本甲喇兵。用雲梯先登。攻克其城。以功授半個前程。順治元年。隨睿王多爾袞入山海關。擊走流賊。二年。加世職爲牛錄章京。七年九

年。三遇

恩詔。加至二等阿達哈哈番。

董鄂樂滿洲正白旗人。原係擺牙喇甲喇章京。兼牛录章京。隨大兵征杏山松山山東福建等處。歷有戰功。因授爲拜他喇布勒哈番。又加一拖沙喇哈番。三遇。

恩詔。歷加至一等阿達哈哈番。

察翰滿洲正白旗人。崇德五年。隨睿王多爾袞。證明圍錦州。城內兵出戰。察翰隨左翼胡密色等敗之。又同塞赫擊破明杏山馬兵。六年六月。圍錦州。明松山馬兵拒敵。我師會兩翼合戰。察

翰同鄂莫克圖擊敵有功。八月。復隨大兵破經畧洪承疇三營。八年。隨鄭親王濟爾哈朗。證明。攻寧遠。設伏於烏蘭哈達地方。敵騎六百來追。同鄂碩擊敗之。順治四年。授拖沙喇哈番。七年。九年。三遇。

恩詔。加至三等阿達哈哈番。十八年。從征山東土寇于

七。賊將劉思舉楊明武蔣振綱等。統衆八千。下山來犯我營。察翰隨征東將軍季什哈。擊敗其衆。復同舒格破賊殷秉瑚等。於東嶺山下大寨嶺地方。賊將鍾小五王節祥等。列五營拒戰。又

八旗通志 卷二百四  
同舒格敗之。康熙三年敘功。加授二等阿達哈  
哈番。

戴珩。滿洲正白旗人。崇德五年。以委署甲喇章  
京。隨大兵征明。圍錦州。刈其田禾。城內明兵出  
戰。敗之。復敗明杏山馬兵。又敗松山步卒。杏山  
馬兵又來犯。連敗其衆。並在行間有功。六年六  
月。圍錦州。明松山馬兵來奪我紅衣礮。率本甲  
喇兵攻走之。又隨左右兩翼兵。合擊明松山馬  
兵。敗之。八月。隨大兵破明軍門洪承疇步兵三  
營。八年。隨鄭親王濟爾哈朗征明寧遠。擊敗其

騎兵。順治元年四月。隨睿王多爾袞。擊流賊於  
山海關。追至慶都縣。大敗之。以功授牛錄章京  
世職。十一月。隨豫親王多鐸南征。追流賊於潼  
關。設伏誘戰。掩殺賊衆。又連破其二營。二年五  
月。隨公圖賴等。追偽福王至蕪湖縣。又同蘇法  
督放紅衣礮。攻常熟縣。克其城。三年論功。加半  
個前程。四年。以病卒於軍。

湯古善。滿洲正白旗人。姓覺羅氏。世居烏喇地  
方。崇德六年六月。大兵征明。圍錦州。湯古善隨  
梅勒章京星內。擊明松山馬兵。敗之。順治元年。

八旗通志 卷二百四  
任工部理事官。隨大兵入山海關。同甲喇章京烏庫禮督馬步兵擊走流賊。以功授牛錄章京。世職。五年。以工部理事官任內。五載考滿稱職。加一拖沙喇哈番。七年九年。三遇。

恩詔。加至一等阿達哈哈番。同旗有達爾漢者。姓那拉氏。世居烏喇地方。初任半個前程。崇德七年。隨大兵征明。圍松山。敵兵來犯我鑲紅旗汛地。同特晉擊敗之。順治元年。入山海關。同甲喇章京滿都擊走流賊。以功授牛錄章京。世職。七年九年。三遇。

恩詔。加至二等阿達哈哈番。

阿玉璽。滿洲正白旗人。初委署兵部副理事官。崇德六年。隨鄭親王濟爾哈朗圍錦州。八月。明經畧洪承疇率兵來援。犯我紅衣礮營。阿玉璽擊敗之。又有敵兵來犯我山巔營汛。同庫爾禪敗之。順治二年。隨巴山。康阿賴等。駐劄江寧府。擊破賊兵萬餘。又有賊兵來犯江寧北門。同董俄羅。溫篤。邇護。敗之。四年。以理事官考滿稱職。授半個前程。五年。從征南大將軍譚泰。征江西。叛鎮金聲桓。聲桓與其黨王德仁等。率賊兵七



萬拒戰。隨大兵奮擊。四戰皆捷。繼又同察哈泰擊焚賊船。七年九年。三遇

恩詔。加世職至二等阿達哈哈番。後緣事降為三等阿達哈哈番。卒。子詹博柱承襲。都爾庫。阿玉璽之孫也。初襲父詹博柱三等阿達哈哈番。世職。康熙三十五年。從撫遠大將軍費揚古。征厄魯特。噶爾丹從西路進兵。至昭莫多。遇賊。奮勇擊敗賊衆。敘功。加世職為二等阿達哈哈番。穆福。滿洲正白旗人。姓佟佳氏。世居烏喇地方。初委署擺牙喇甲喇章京。崇德八年。隨鄭親王

濟爾哈朗。證明。攻前屯衛。穆福等率衆往圍中前所。探知城內人已遁。遂同董阿賴。格爾特。鄂齊爾。乘夜奪門而入。據其城。順治元年。隨睿王多爾袞。入山海關。擊走流賊。追至慶都縣。敗之。復追殺其步賊於真定府。六月。從固山額真葉臣。征山西。至河南懷慶府。遇賊。同固山額真巴哈納。追殺至黃河岸而還。北至太原。環視攻城之處。忽城內兵出戰。奮擊敗之。旋同前鋒兵往探絳州渡口。遇賊馬步兵千餘。擊走之。獲船六隻。二年。隨英親王阿濟格。征流賊。至陝西。自西

八旗通志 卷二百四  
安府往躡賊踪。同希爾根賈塔追及賊兵二隊。殲之。五月。至湖廣承天府追賊。獲船十二隻。賊自承天遁出。率前鋒兵敗其馬兵。又攻破其第二營。復同固山額真巴特瑪前鋒章京多莫克圖。擊敗偽王副將。三年敘功。授牛錄章京世職。五年。隨征南大將軍譚泰。征江西叛鎮金聲桓。擊九江府關廂賊。領燾進戰。破之。獲船百餘。賊遣四偽總兵統馬步萬餘。來犯本固山濠塹。同燾章京博爾惠敗之。至南昌府附近。燒燬賊船七百。又往建昌府。同和托招服南豐縣民人七

年三月。遇

恩詔。加一拖沙喇哈番。五月敘前功。加為三等阿達哈  
哈番。九年兩次

恩詔。加至一等阿達哈哈番。

薩克察巴圖魯。滿洲正白旗人。姓西他拉氏。世居長白山尼牙滿村地方。崇德八年。隨貝勒阿巴泰征明。至山東。用雲梯攻壽光縣。奮勇先登。

克其城。

賜名巴圖魯。授牛錄章京世職。順治元年。隨睿王多爾袞破流賊於山海關。又同溫察敗偽馮副將之

兵。遇常副將河泊舟師。隨梅勒章京譚泰擊敗之。三年。以功加半個前程。七年九年。三遇

恩詔。加至一等阿達哈哈番。同旗有俄爾魁巴圖魯者。

崇德八年。亦隨貝勒阿巴泰征明。至山東。用雲

梯攻平度州。奮勇先登。克其城。

賜名巴圖魯。授牛錄章京世職。順治元年。隨睿王多爾

袞入山海關。同卓羅擊走流賊。二年敘功。加半

個前程。七年遇

恩詔。加為三等阿達哈哈番。

納和布。滿洲正白旗人。順治元年五月。以前鋒

轄從征太原府時。擊汾州府馬兵。同胡沙敗之。

又同昂邦章京西特庫。于榆林渡口敗賊馬兵。

進至陝西綏德州。於西特庫前。敗賊步兵。延安

府有賊兵來犯。鑲黃旗正白旗防汛。同西特庫

敗之。二年。追流賊至九公山。同胡沙敗賊。又追

流賊于黃魯山。擊賊於武昌府。敗其馬兵。又同

甲喇章京穆福。自承天府。乘船追及流賊。獲船

十二隻。三年。從肅親王豪格征四川時。擊漢中

府流賊賀珍。同胡沙敗之。賊渠八大王張獻忠

親率衆迎戰。同岳連尼。敗其山旁馬步賊兵。又

八旗通志 卷二百四  
同胡沙敗其山上馬步賊兵。又擊賊帥王襄馬步兵敗之。所至擒拏賊哨。斬八人。生擒十八人。五年。授拖沙喇哈番。六年。隨鄭親王濟爾哈朗。征湖廣流寇。在通口浦地方。同噶布什賢章京姚達尼。擊敗僞軍門總兵等。七年。遇

恩詔。加世職。爲拜他喇布勒哈番。九年。遇二次

恩詔。加至三等阿達哈哈番。是年。從固山額真噶達洪。

征鄂爾多斯。在邁蘭卜喇克處。擊多爾吉之弟錫特木。殲其衆。又在鄂倫卜喇處。大破多爾吉兵。十一年。從征僞桂王。至湖廣常德府。僞南安

王劉之秀。遣僞將軍魯明。陳興國等。率僞總兵三十員。賊兵二萬。乘船四百隻。來攻岳州武昌。納和布隨燾章京蘇克薩哈。率滿洲蒙古固山。阿里哈超哈兵。擊敗之。十六年。從征雲南。在亦資孔地方。遇賊三百餘。率八固山噶布什賢兵。擊敗其衆。賊兵千餘。兩次來犯我營汛。俱擊敗之。康熙二年。敘績。加一拖沙喇哈番。八年。病卒。杜什巴。滿洲正白旗人。順治元年。從豫親王多鐸南征。破流賊。平定河南。二年。至江南。攻松江府城。不用雲梯。繼胡巴克泰。以第二人登城。克

之。三年議功。授半個前程。順治七年九年。三遇恩詔。加至三等阿達哈哈番。同旗有穆成格者。順治二年。隨大兵征福建。取安鎮城。以登城功。授拖沙喇哈番。其子白達色承襲。

俄布根。滿洲正白旗人。原係蒙古烏喇特貝子之族。其父伊林奇。於天聰八年。率眾來歸。授為三等甲喇章京。世職。病故。俄布根襲之。緣事降為牛录章京。順治元年。隨睿王多爾袞進山海關。擊流賊。同甲喇章京尼滿。敗賊有功。復加半個前程。同旗有哈邇堪者。順治元年。亦以委署

章京。隨入山海關。擊流賊。同葉克舒。步戰有功。授半個前程。七年九年。三遇恩詔。加至三等阿達哈哈番。

發爾那。滿洲正白旗人。姓吉朗吉瓦爾喀氏。世居長白山蘇蘇村地方。初任壯尼大。順治元年。隨豫親王多鐸南征。同昂阿昂巴。追流賊於潼關。又攻其山上賊兵。兩戰俱捷。旋設伏路側。誘賊至破之。次日再戰。復敗其馬兵一隊。二年。至江寧府。有敵兵二千來拒。即同昂阿昂巴敗之。五月。隨貝勒博洛征浙江。敗賊於富陽縣。進趨

八旗通志 卷二百四  
杭州同阿爾散圖尼破僞范總兵及僞大學士馬士英。至嘉興府。同敦兌敗其城內出戰兵。敵人水陸兩路來援。復同顧納代連戰大破之。四年。從征福建。由分水關率前鋒擊敵於峽口。敗之。進破其關。上守兵一千。又同鄂碩敦兌擊敗僞曹總兵。遂攻入關。破敵兵萬餘。五年。隨征南大將軍譚泰。征江西叛鎮金聲桓。敗僞洪總兵。又敗賊兵二千於童子渡河。攻饒州府。同噶爾他拉。吳孫畢朗擊賊敗之。復同顧魯穆奇力戰。拔其城。金聲桓同僞建武侯王得仁三犯我正

白旗濠塹。又犯我鑲黃旗汛地。並同燾章京博爾惠擊敗之。七年。授拖沙喇哈番。九年。兩次

恩詔。加爲拜他喇布勒哈番。又一拖沙喇哈番。十五年。

隨征僞桂王於貴州。十六年七月。自貴州凱還。至江南。遇海賊鄭成功。陷鎮江瓜州。進逼江寧。發爾那隨梅勒章京噶褚哈擊賊於江中。奪船二隻。又敗其崖上兵三萬。賊兵十萬盤踞山巔。會同本地大兵擊破之。敘功。加世職爲三等阿達哈哈番。

海達。滿洲正白旗人。初任壯尼大。順治二年。隨

英親王阿濟格征流賊。敗之於延安城外。旋自延安府前往秣馬。有賊兵七百來犯。同護什納等敗之。又連破其兩營。三年。從肅親王豪格征四川。擊賊首張獻忠。我正藍旗汛爲賊所迫。卽隨纛章京阿爾達蘇拜等往援。破之。五年。敘功。授拖沙喇哈番。七年。九年。三遇

恩詔。加至三等阿達哈哈番。

殷泰。滿洲正白旗人。姓瓜爾佳氏。世居多爾吉必喇索尼哈達地方。初任噶布什賢轄。順治二年十一月。隨平南大將軍貝勒勒克德渾。征湖

廣流賊一隻虎。敗之於靖州。又擊破賊將高侯之兵。五年。從征江西叛鎮金聲桓。同甲喇章京杭素。擊敗賊。進圖南昌府。同委署章京法喇納。破僞建武侯王得仁兵。金聲桓自統四僞總兵。率衆萬餘。犯我正白旗汛地。殷泰隨纛章京博爾惠敗之。金聲桓又率賊萬餘。執雲梯。犯我正白旗汛地。復同博爾惠敗之。僞高總兵督兵三千。挖重壕拒敵。敗其兵於城下。王得仁又犯我鑲黃旗汛地。連破其衆。十五年。隨信郡王多尼。征僞桂王至雲南。僞帥狄三品率二萬餘衆。扼

雞鳴舖隘口。大兵進剿。途至安莊衛。僞劉將軍統馬步拒敵。殷泰率本旗噶布什賢破之。至響水河。拒守七星關。聞僞鞏昌土白文選立寨於宗陵衛。攻破其衆。隨信郡王追僞晉王李定國。至永昌府。敗僞總兵及四副將之兵於菩薩嶺。生擒十一人。十六年。白文選據守玉龍關。殷泰率本旗噶布什賢。隨噶喇昂邦白爾黑圖追擊之。奪瀾滄江鐵索橋。殺拒守者百餘人。僞晉王李定國統精兵六千。設伏於磨盤山。殷泰同委署燾章京吳克松阿。隨大兵擊敗之。康熙元年。

隨定西將軍愛星阿入緬國。獲僞桂王。敘功。超授拜他喇布勒哈番。兼一拖沙喇哈番。

俄內滿洲正白旗人。初任壯尼大。順治二年。隨英親王阿濟格征流賊。至荊州府。城內賊遁出。追殺之。敗僞田侯劉侯於武昌。又自富池口追賊至九江。獲船十五隻。隨燾章京蘇拜。破流賊第二營。三年。隨肅親王豪格征四川。奪雞頭關。敗流賊賀珍。及張獻忠等。又殲其步兵一營。馬兵一隊。賊兵犯我正藍旗汛。俄內從蘇拜。阿爾津。噶達洪等。率兵往援。破賊衆。又擊梁譚馬步。



賊兵敗賊袁韜於涪州。順治五年敘功。授拖沙喇哈番。七年九年三遇

恩詔。加至三等阿達哈哈番。

碩色滿洲正白旗人。初任壯尼大。順治二年。從征流賊。奮勇先登。被創。三年。從豫親王多鐸。追騰機思。同委署燾章京巴顏。擊敗土謝圖汗。及碩雷汗兵。六年。從征大同。叛鎮姜瓖。賊將楊進威率馬步六千。犯我正白旗蒙古汛地。碩色同大兵擊走其眾。九年。從固山額真噶達洪。征鄂爾多斯。有十七戶。二十二人。踞立山岡。步進斬

之。又率十擺牙喇。敗岡上賊兵。殺其巴奇噶扎爾齊等十五人。十一年。隨靖南將軍朱瑪喇。征廣東。至新會縣。敗偽安西王李定國於縣左山上。又敗之於山峪。十二年。追至橫州。復大敗之。十三年。敘功。授拜他喇布勒哈番。

十三半始由對稱出陳市博公番

王文頌之於山谷十一半。致之於限。對大頌之

貴康在熊會。頌頌安西王李安。因欲繼立山

爾齊等十五人。十一半。爾齊南。然軍米。燕陳孫

之。又率十。燕平。陳頌。岡。士。頌。兵。孫。其。四。



書